

865





36.

S -

ՏԵՂԵԿԱԳԻՐ

ՀԱՅ ԳՐՈՂՆԵՐԻ

ԿՈՎԿԱՍԵԱՆ ԸՆԿԵՐՈՒԹԵԱՆ


1913 թուր

ԳՈՐԾՈՒՆԿՈՒԹԵԱՆ

○○○○○○

ԱՌԱՋԻՆ ՏԱՐԵԾՐՁԱՆ

●●●●●



ԹԻՖԼԻԶ
Տպարան Ն. Աղանեանի, Պոլից. 7
1914

865

004
S-30 47

03 JUN 2005

ՏԵՂԵԿԱԳԻՐ

ՀԱՅ ԳՐՈՂՆԵՐԻ


ԿՈՎԿԱՍԵԱՆ ԸՆԿԵՐՈՒԹԵԱՆ

1913 թուի

ԴՈՒԺ ՈՒՆԵՈՒԹԵԱՆ

000000

ԱՐԱՋԻՆ ՏԱՐԵԾՐՁԱՆ



00@00

12-6001

ԹԻՖԼԻԶ
Տպարան Ն. Աղանեանի, Պոլից. 7
1914



13 AUG 2013


2005 JUL 6 0

ՀԱՅ ԳՐՈՂՆԵՐԻ

ԿՈՎԿԱՍԻԱՆ ԸՆԿԵՐՈՒԹԵԱՆ

1913 թիկի

Ն Ա Խ Ա Հ Յ Ե Ի Ւ Լ



Հ - 6 -

Հայ Գլողների կովկասեան
Ն Ա Խ Ա

ՄՈՒՏՔ

	Բ.	Կ.
1. Անդամագներներ		500 —
2. Դասախոսութիւններից և երեկոյթներից		100 —
3. Ներկայացումից և համերգներից		500 —
4. Նուիրատութիւններ		3000 —
5. Տոկոսներ	25 —	<hr/> 4125 —

Ընկերութեան 1913 թ.
Հ Ա Զ Ի Ւ Բ Լ

ԵԼՔ

	Բ.	Կ.
1. 25% հիմնական գրամագլուխ		1031 25
2. Փոխառու գումար		806 87
3. Օժանդակութեան գումար		806 88
4. Գրասենեակի վարձ		300 —
5. Գործագարի ոռճիկ		360 —
6. Կահ կարասիք		500 —
7. Դիւանական ծախսեր		200 —
8. Ծառայի ոռճիկ		120 —
		<hr/> 4125 —

Ընկերութեան սկզբնաւորութիւնը

Ինսսնական թուականներին, հայ մամուլի և գրական շրջանների մէջ առաջին անգամ սկսուեց արծարծուել հայ գրողներին օգնելու գաղափարը։ Այդ մտքին առաջին զարկ տուողը եղաւ հանգուցեալ բանաստեղծ Սմբատ Շահազիզը, որ մի գումար կտակեց յատուկ այդ նպատակով և որից տարիներ շարունակ օգտում էին մի շարք հայ գրողներ։ Սակայն այդ գործը կատարում էր տնային կերպով և առաջինը Աւետիք Արասխանեանն էր, որ մտածեց գործին լուրջ կազմակերպութիւն տալ, հիմնելով մի Ընկերութիւն։ Այս նպատակով նա, գրական շրջանների հետ խորհրդակցելով, կազմեց մի կանոնագրութիւն (1892 թ.) և ներկայացրեց պատշաճաւոր իշխանութեան ի հաստատութիւն։ Սակայն շնորհիւ աննպաստ պայմանների՝ այդ կանոնագրութիւնը չհաստատուեց։

Բայց գաղափարը շարունակում էր ապրել և հետաքրքրել գրական շրջաններին։ Տարիների ընթացքում տեղի ունեցան մի շարք խորհրդածութիւններ հայ գրողների ընկերութեան համար կանոնագրութիւն մշակելու։ Բայց դարձեալ գործը մնաց անկատար։

Այդ հարցի իրագործմանը մեծապէս զարկ տուեց Հայոց տպագրութեան 400 ամեակի յօրելեանի խնդիրը, որ կովկասահայերի մէջ առաջին անգամ իր ձեռքն առաւ կովկասի Հայոց Հրատարակչական Ընկերութիւնը և իր նախաձեռնութեամբ այդ առթիւ հրատիրած առաջին Ընդհանուր Ժողովում, որ բաղկացած էր Թիֆլիսում գործող գրասոցական, կուլտուրական և տպագրական հաստատութիւնների ու մամուլի ներկայացուցիչներից, ընտրեց 15 հոգուց բաղկացած Յորելեանական Յանձնաժողով, յանձնարարելով նրան ի յաւելքացում այդ մեծ Յորելեանի հիմնել գրական Փօնդ։

Յորելեանական Մասնաժողովը ցանկանալով օրինականացնել այդ գեղեցիկ գաղափարը և միաժամանակ իրագործել հայ գրական շրջանների վաղեմի իդքը, որոշեց կազմել Հայ Գրողների Ընկերութիւն, որի կանոնագրութիւնը, ձևելով Թիֆլիսի ժուռանալիստների և գրողների Ընկերութեան կանոնագրութեան վրայ, ներկայացրեց Ընդհանուր Ժողովին և, սրա հաւանութիւնը ստանալուց յետոյ, 1912 թուի յունիսի 18-ին ներկայացրեց պատշաճաւոր իշխանութեան։ Կանոնագրութիւնը նոյն թուի օգոստոսի 2-ին հաստատուեց կառավարութեան կողմից և հիմնադիրները 1912 թ. հոկտեմբերի 3-ին հրատիրելով առաջին Ընդհանուր Ժողովը՝ «Հայ Գրողների Կովկասեան Ընկերութիւնը» յայտարարեցին պաշտօնապէս բացուած։

Բնկերութեան կազմը

Այդ նոյն ժողովում ընտրուեց Վարչութեան հետեւալ կազմը.

1. Յովիանես Թումանեան (նախագահ)
2. Առաքել Բաբայանեան
3. Էժ. Արիստակս Զարգարեան (գանձապահ)
4. Տիգրան Յովիանեսիս (փոխ-նախագահ)
5. Առու Արանասեան
6. Գիտ Աղանեան ա. ք. (քարտուղար)
7. Արշակ Յարութիւնեան
8. Երուանդ Լալայեան

Այս կազմը իր լրութեամբ պաշտօնավարեց 1912 թ. հոկտեմբեր 12-ից մինչև 1913 մարտ 31-ը, որից յետոյ եղան հետեւալ փոփոխութիւնները.

1913 թ. մարտին հրաժարուեց պ. Երուանդ Լալայեանը և մարտ 31-ին նրա փոխարէն հրաւիրուեց փոխանդամ Յակոբ Ալիխանեանը:

1913 թ. ապրիլի վերջին Վարչութեան անդամ պ. Տիգրան Յովիաննեանը Թիֆլիսից փոխադրուեց Բագու:

1913 թ. նոյեմբերի սկզբին հրաժարուեց Վարչութեան անդամ-դանձապահ բժ. Ա. Զարգարեանը և նոյն նոյեմբերի 14-ին Վարչութեան անդամ ընտրուեցան պ.պ. Մինաս Բերեբեանը և Նիկողայոս Աղբալեանը, իսկ գանձապահի պարտաւորութիւնը Ընդհանուր ժողովը գրեց Վարչութեան անդամ պ. Յակոբ Ալիխանեանի վրայ:

1913 դեկտեմբերի սկզբին Վարչութիւնից հրաժարուեց պ. Յ. Ալիխանը՝ երկար ժամանակով քաղաքից բացակայելու պատճառով և Ընդհանուր ժողովը նոյն ամսի 17-ին նրա տեղ ընտրեց անդամ-դանձապահ պ. Անուշաւան Աբովեանցին:

Վարչութեան առաջին իսկ նիստում որոշուեց ժողովը ունենալ շաբաթը մի անգամ:

Վարչութիւնը 1912 թ. հոկտեմբեր 16-ից մինչև 1913 թ. դեկտեմբերի 31-ը ունեցել է 38 նիստ:

Նիստերին Վարչութեան անդամները ներկայ են եղել.

Յովիաննես Թումանեան	37 անգամ
Գիտ Աղանեան ա. ք.	35 »
Արշակ Յարութիւնեան	29 »
Աշոտ Աթանասեան	26 »
Առաքել Բաբայանեան	22 »
Բժ. Արիստակս Զարգարեան	20 »
Տիգրան Յովիաննիսեան	14 »
Երուանդ Լալայեան	10 »

Յակոբ Ալիխանեան
Նիկողայոս Աղբալեան
Մինաս Բերեբեան
Անուշաւան Աբովեան

19 անգամ
5 » (նոյեմ. 20-ից)
4 » (նոյեմ. 20-ից)
1 » (դեկտ. 19-ից)

Գրական ֆօնի

Ի նկատի ունենալով, որ Հայ Գրողների Ընկերութեան ամենագլխաւոր գործը լինելու էր գրական Փօնդի կազմակերպութիւնը, որի նպատակն է նպաստել իր անդամներին և նրանց ընտանիքներին՝ տալով նրանց թէ օժանդակութիւն և թէ փոխառութիւն, Վարչութիւնը հիմք ընդունելով ուսուաց մէջ յայտնի Օбщество վը օժանդակութիւնը՝ մշակեց իր գրական Փօնդի կանոնադրութիւնը, որը ընդունուեց ընդհանուր ժողովի կողմից ի գործադրութիւն:

Այդ գաղափարը ջերմ համակրութիւն գտաւ հասարակութեան լայն շրջանների կողմից և հէսց առաջին ամիսներում եղան խոշոր նուիրաբերութիւններ այդ նպատակով: Եւ տարուայ ընթացքում այնքան աճեց գրական Փօնդի գումարը, որ Վարչութիւնը հնարաւոր գտաւ իրագործել Փօնդի նպատակները, թէ օգնելով չքաւոր գրագէտներին և թէ փոխառութիւն տալով:

Երեկոյթներ

Հայ Գրողների Ընկերութեան միամեայ գործունէութեան մէջ առանձնապէս շեշտելու է պարբերական (հինգշաբթի օրերի) գրական երեկոյթների կազմակերպութիւնը: Այդ երեկոյթները նպատակ ունէին թէ Ընկերութեան անդամներին, թէ հետաքրքրուող հասարակութեան լայն խաւերին և թէ ուսանող աշակերտութեանը դասախոսութիւնների միջոցով ծանօթացնել հայ գրականութեան զանազան շրջանների և գրական նշանաւոր գէմքերի գործունէութեան հետ: Բացի դրանից Վարչութիւնը որոշեց ունենալ նաև գիտական բովանդակութեամբ երեկոյթներ:

Այդ լայն ծրագիրը իրագործելու համար հրաւիրուեցան գրականութեանը և շօշափուող հարցերին հմուտ անձինք որպէս դասախոսներ թէ Ընկերութեան անդամներից և թէ կողմնակի անձերից: Դասախոսութիւններից յետոյ տեղի էին ունենում շօշափուող հարցերի շուրջը ընդդիմախօսութիւններ և մտքերի կենդանի փոխանակութիւն: Իսկ մէջ ընդ մէջ երբեմն տեղի էին ունենում զանազան արտասանութիւններ, երգեր, նուազածութիւն և փոքրիկ ներկայացումներ:

Տարուայ ընթացքում Ընկերութիւնը ունեցել է 21 պարբերական երեկոյթ, որոնք են՝

1913 թ.	Դասախոսի անունը:	Նիւթը:
Յունվ. 31	պ. Նիկողայոս Աղբալեան Զրոյց	Շանթի երգերը: Դատից յետոյ:
Փետր. 7	պ. Առաքել Բարախանեան	Հայերն ու քրդերը և նրանց յարաբերութիւնները:
» 10	պ. Առաքել Բարախանեան	Հայերն ու քրդերը և նրանց յարաբերութիւնները:
» 15	պ. Մ. Վանեցեան	Յովհաննէս Յովհաննիսեան
» 28	պ. Ա. Յարութիւնեան	Աւետիք Խաչակեան
Մարտի 7	պ. Ա. Յարութիւնեան	Դասախոսութեան շարունակու- թիւնը
» 14	պ. Ն. Աղբալեան	Սայեաթ Նովա
» 21	պ. Տ. Յովհաննիսեան	Կանանց հարցը
» 28	պ. Տ. Յովհաննիսեան	Դասախոսութեան շարունակու- թիւնը
Ապրիլ 25	պ. Ա. Բարախանեան	Բաֆֆի
Մայիս 9	պ. Մամբրէ Մատէնձեան	Բափայէլ Պատկանեան
» 16	պ. Մ. Մատէնձեան	Դասախոսութեան շարունակու- թիւնը
» 24	Զրոյց	Ծերենցին նուիրուած Տաճկահայ զրականութեան մա- սին
Նոյեմբ. 7	պ. Գասպար Իփէկեան	Արտագաղթը և նրա պատճառ- ները
» 14	պ. Աշոտ Աթանասեան	Գրիգոր Զոհրապ
» 21	պ. Մամբրէ Մատէնձեան	Վահան Տէրեան
» 27	պ. Վարդգէս Ահարոնեան	Յոր լուսաբանութիւններ Խ. Ա- րովեանի և Սայեաթ Նովայի կեանքից
Դեկտ. 5	պ. Յովի. Թումանեան և պ. Լէօ	Նոր փաստաթղթեր Միք. Նա- բանդեանի կեանքից
» 12	պ. Մինաս Բերբերեան	Նոր փաստաթղթեր Միք. Նա- բանդեանի կեանքից
» 19	Զրոյց	Միտումներ զրականութ. մէջ
» 26	պ. Առաքել Բարախանեան	Գրիգոր Արծրունի

Վարչութիւնը, համաձայն Ընդհանուր ժողովի որոշման, առանձին մաս-
նաժողով ընտրեց իրազործելու Ընկերութեան անդամների համար ընտանե-
կան երեկոյթներ կազմակերպելը՝ իբրև զրական ժամանց: Բայց այդ նպա-
տակը մինչև այժմ չիրագործուեց յարմարաւոր բնակարան չգտնելու պատ-
ճառով:

Երեկոյթներն աւելի մեծ չափով հասարակութեան մատչելի անելու
նպատակով՝ Վարչութիւնը կարգադրեց, որ տարեկան արժանացրած տոմ-
սակներ վաճառուեն ցանկացողներին՝ տղամարդկանց 5 ըուբենով, իսկ կա-
նանց՝ 3 որոշի վճարով և որոշեց ոչ-սովորական երեկոյթներին որոշ չա-

փով ձրի տոմսեր տալ Ներսիսեան, Յովհանեան և Գայիանեան ուսումնա-
րանների և Բարեգործական Ընկերութեան որբանոցի աշակերտ-աշակերտու-
հիներին:

Ա. Արախանեանի մօնիք

Նոյեմբերին Ախալքալակում վախճանուեց «Մուրճի» խմբագիր-հրա-
տարակիչ հրապարակախոս Աւետիք Արախանեանը: Վարչութիւնը համարե-
լով հանգուցեալին Գրողների Ընկերութեան գաղափարի հիմնադիրներից մէ-
կը՝ իր պարտքը համարեց ջերմ մասնակցութիւն ունենալ նրա թաղման և
յիշատակը յաւերժացնելու գործում. ուստի և հիմնեց նրա անունով Փօնդ՝
նրա անտիպ աշխատութիւնները տպելու համար: Այդ Փօնդի անունով Վար-
չութիւնը ստացել է մի փոքրիկ գումար, իսկ Ընկերութիւնը իր կողմից ո-
րոշեց յատկացնել երկու հարիւր ոռւբլի:

Սայեաթ-Նօվան եւ նրա մահարձանը

Վարչութեան հոգացողութեան առարկայ եղաւ 18-րդ դարի նշանաւոր
հայ երգիչ-բանաստեղծ Սայեաթ-Նօվան, որի գերեզմանը թիֆլիսի Հայոց
կաթողիկէ եկեղեցու բակում մնում էր առանց տապանաքարի: Ցանկանալով
Սայեաթ-Նօվայի երգերն ու յիշատակը վերակենդանացնել հայ հասարա-
կութեան մէջ և մի յուշարձան կանգնել, Վարչութիւնը որոշեց ա, մահար-
ձան կանգնել նրա գերեզմանի վրայ, բ, յատուկ երեկոյթներ կազմակերպել
լայն հասարակութեան համար և գ, հրատարակել նրա երգերը և արժան
գնով տարածել ժողովրդի մէջ:

Մահարձանը որոշ մակարով և վանդակապատով պատրաստեց յայտնի
վիլա և Ռիցցի քանդակագործ Փիրման, պ. Բաշինչաղեանի հսկողութեամբ
և պ. Ռ. Մարտիրոսեանի կազմած նախագծով:

Սայեաթ-Նօվային նուիրած երեկոյթը հայ աշուղական խմբերի մաս-
նակցութեամբ առաջին անգամ կազմակերպուեց թիֆլիսի ժողովարանում
1913 թուի ապրիլի 5-ին, ունեցաւ արտակարգ յաջողութիւն, որ և հասարա-
կութեան խնդրով մայիսի 25-ին կրկնուեց երկրորդ անգամ նոյն յաջողու-
թեամբ:

Այդ երեկոյթները, շնորհիւ իրենց հետաքրքրութեան՝ արձագանք գտան
թէ թիֆլիսում և թէ ուրիշ հայարնակ վայրերում, ուր կազմակերպուեցին
նման երեկոյթներ նուիրած մեծ երգչին:

Ընկերութեանս կազմակերպած երեկոյթների եկամուտի մի մասը, ինչ-
պէս և այդ անունով ստացուած յատուկ նուիրաբերութիւնները գործա-
դրուեցին մահարձանի կառուցման և Սայեաթ-Նօվայի երգերի տպագրու-
թեան վրայ:

Երգերի ժողովածուն հանգուցեալ Գէորգ Ախվերդեանի խմբագրու-
թեամբ և մի քանի յաւելումներով հրատարակուեց ընտիր տպագրութեամբ,
մահարձանի լուսանկարով և հեղինակի մի քանի փաքսիմիլիէներով:

ՀԵՂԻՑԱԿԻ ԻՐԱՒՆՈՒՅՆ

Ի նկատի ունենալով որ զանազան անձինք առանց նախապէս հեղինակից իրաւունք խնդրելու՝ հրատարակում են նրանց գրուածքները, շատ անգամ աղաւաղելով և այդպիսով շահագործում հեղինակի անունն ու իրաւունքը՝ Վարչութիւնը Բնդհանուր Ժողովի հաւանութիւնը ստանալով ընտրեց մի յանձնաժողով, որին և յանձնեց մի զեկուցում պատրաստել այդ խնդրի մասին, որով ապագայում հնար լինի այդպիսի երեսյթների առաջն առնել, ի նկատի ունենալով պետական գործող օրէնքները և միջազգային գրական կօնվէնցիան:

«Իիւան Հայոց գրականութեան»

Վարչութիւնը ցանկանալով կորստից ազատել հին հայ գրական գործիչների անտիպ գրուածքներն ու զանազան յիշատակարանները, որոցեց ձեռնարկել մի ժողովածուի հրատարակութեան «Դիւան Հայոց գրականութեան» անունով, որի համար արդէն մշակած ծրագիրը ներկայացնելու է առաջիկայ Ընդհանուր Ժողովի քննութեան:

Վարչութեան մի ամսուայ արձանագրութիւնների կորուսը:

Վարչութեանս գործավարութեանը մասամբ արգելք հանդիսացաւ հետևեալ միջադէպը. անդամ-քարտուղարը Հրատարակչական Ընկերութեան գործերով հարկադրուած լինելով քաղաքից բացակայել 1912 թուի նոյեմբերի 9-ից մինչև նոյն թուի գեկտեմբերի վերջերը՝ նրա փոխարէն քարտուղարի պաշտօնը յանձն առաւ կատարել Վարչութեան անդամ պ. Եր. Լալայեանցը: Վերջինիս օրօք տեղի ունեցաւ հանդուցեալ գրող Աւետիք Արասխանեանցի դիմուլութիւնն ու թաղումը, որի համար և Վարչութիւնս մի քանի ժողով ունեցաւ Ազգագրական Ընկերութեան գահիձում: Պ. Լալայեանը իր օրօք տեղի ունեցած նիստերի արձանագրութիւններից յանձնել է Վարչութեանս միայն երկուսը, իսկ մնացեալ նիստերի օրագիրները, չնայելով Վարչութեանս նրան արած գրաւոր դիմումներին և Ծնդհանուր ժողովի որոշումներին, մինչև այժմ էլ անհնար եղաւ ստանալ նրանից, որով այն նիստերի որոշումները կարելի չեղաւ արձանագրել այս տեղեկագրի մէջ:

Մասնակցութիւն հաստրակական հանդեսներին

Վարչութիւնս մասնակցել է հետևեալ հասարակական հանդէմներ

ա, Շնորհաւորել է բանաստեղծ Յովկիաննէս Յովկիաննիսկանի 25-ամեայ գրական գործունէութեան յօրեկեանը, կազմակերպելով նրա անուան մի գրական երեկոյիթ և պատգամաւոր ու ոսկէ գրիչ ուղարկելով:

μ, Συνορήσιατορκελ ή ουκαρηγονατορκελ ή ουκαρηγονατορκελ:

գ, Հեռագրով ցաւակցութիւն է յայտնել „Русск. Въдомости“ լրագրի խմբագրութեան՝ նրա խմբագիր Սոբոլսկիու մահուան առիթով։
գ, Մասնակցել է Հայ Գրերի գիւտի և Տպագրութեան յօբելեանական Թիֆլիսի հանգէստներին՝ ուղարկելով ներկայացուցիչ։
ե, Մասնակցել է հանգուցեալ Ս. Զաւարեանի, Ա. Քալանթարի և Կ. Խատիսեանի թաղմանը՝ պատգամաւորութիւններով։
գ, Աչքի առաջ ունենալով, որ Թիֆլիսում սկսել է իր գործունէութիւնը մի նոր ընկերութիւն՝ «Հայոց Պատմական և Հնագիտական Ընկերութիւն», որի նպատակն է ուսումնասիրել Հայոց պատմութիւնը և պահպանել Հայկական ամեն տեսակ հնութիւններ, մի գրութեամբ ողջունել է այդ Ընկերութեան բացումը և մինչև սեպհական զրասենեակ ունենալը՝ Ընկերութեան դրասենեակը դրել է նրա խորհրդի տրամադրութեան տակ։

Univer

Վարչութիւնս իր պարտքն է համարում շնորհակալութիւն յայտնել հետևեալ հաստատութիւններին և անձերին իրանց համակրական ցոյցերի համար, Դրամական նույնեւու

ս, Պրամական նույներ

1912 ԱԵՊՏԵՍՎԵՐ—31 ԴԵԿՏԵՍՎԵՐ 1913

	Առավելագույն համարը		Առավելագույն փոստի համարը	
	թ.	Կ.	թ.	Կ.
օր. Մանէ Հայսվերդ- եանից	30	—	ալ. Սամսոն Յարու- թիւնեանից . . .	100 —
օր. Աննա Հայսվերդ- եանից	20	—	Անյայտ ոմնից . . .	500 —
Թելաւի մի խումբ ա- շուղներից . . .	4	—	Կար. Մարտիրոսեանից	5 —
Կապելմէյստեր Տեպ- լիցկուց	1	—	Տիկին Զ. Զ.-ից . . .	5 —
պ. Համբարձում Մե- լիքեանից	200	—	Տիկոնի հասարակու- թիւնից	75 —
պ. Կուղանեանից . .	—	50	Տ. Յովհաննիսեանից	10 —
«Մշակ»-ի խմբա- գրութեան միջոցով զանազան անձնա- ւորութիւններից .	42	50	Գարեգին Ենգիբար- եանից 1913թ. .	25 —
Դաւալուկ ս. Յակովի- դպրոցից	5	50	Յով. Տէր-Յարութիւն- եանից	10 —
Մի խումբ զոկ կա- նանցից	25	—	Համբարձում Մէլիք- եանից՝ Թիֆլ. Ազն.	800 —
պ. Զալալ Տէր-Գրի- գորեանից	10	—	Հող. բանկ. գրաւաթ.	—
պ. Կուղանեանից . .	—	50	«Հորիզոն» թերթի մի- ջոցով՝ զանազան անձնաւորութիւն-	300 —
պ. Նիկ. Աղբալեանից	5	—	ներից	25 —
	298	—	Գարեգին Ենգիբար- եանից 1914թ. .	3 —
	46	—	Ներսէս Սաղանդարո- վից	600 —

բ, Կովկասի Հայոց Բարեգործական Ընկերութեան՝ խորհրդին, որ շնորհաւորելով Ընկերութեանս բացումը՝ իր դահլիճը հինգշաբթի օրերը մինչև հետևեալ ամառը դրեց Վարչութեանս տրամադրութեան տակ մեր դասախոսութիւնների համար առանց վարձի:

գ, ԲԺ. Ա. Բուգուղեանցին, որ յայտնեց Վարչութեան, թէ երբ Ընկերութիւնս հրատարակէ մի շարաթաթերթ՝ այդ նպատակի համար կնուիրէ 300 ռուբլի:

Դ, Պօլսահայ զբագէտ պ. Միքինանեանին, որ նույիրեց Բնկերութեանս իր աշխատասիրած «Լքեալ ընտանիք» գրքից երեք հարիւր օրինակ

ѣ, Ներսէս քահանայ Հերթկցեանին Առատով, որ Կուփրեց Ընկերութեանս իր Թարգմանած „Օժբերտъ архимандрита Мурадяна на послание Римского папы Льва XIII գրքոյկից 200 օրինակ:

զ, Պ. Մ. Բունեաթեանին Մոսկվա, որ նուիրեց Ընկերութեանս հանգուցեալ Ա. Արասխանեանցի ձեռագիր աշխատութիւնները, նրա աշխատակիցների զանազան յօդուածներն ու «Մուրձի» համարներ:

է, Սայեաթ-Նօվայի թոռան որդի պ. Բագրատ Տէր-Մովսիսեան Սայեաթնեանին, որ նուիրեց Ընկերութեանս Սայեաթ-Նօվայի երգերի ժողովածուի ձեռագիր «Դաւթարը»:

ը, Պ. Տ. Յովհաննիսեանին, «րը ներկայացնելով կարչութեանս 100 օրինակ իր թարգմանած «Յարութիւն» գրքից՝ ինդրեց վաճառումից գոյացած գրամբ յատկացնել գրական ֆոնդին:

թ, Բաֆֆիի որդի պ. Արամ Մելիք-Յակոբեանին, որ նուիրեց Հնկերութեանս Բաֆֆիի գրքերի մի հին պահարան:

և Ժ, Ընկերութեանս այն անդամներին, որոնք արձագանք տալով Վարչութեանս կոչին՝ իրանց աշխատութիւնները նուիրեցին Վարչութեանս հիմնելիք՝ Ընկերութեանս անդամների բոլոր աշխատութիւնների գրադարանին

ՀԱՇՈՒԽԵԿՎՇԻՐ

1912 սեպտեմբեր 23—1913 դեկտեմբեր 31

ՀԱՅՈՒԵ

ՄՈՒՏ-Ք

1912 սեպտեմբեր 23

	թ.	կ.
1. Գրական ֆօնդի համար ստացուած է	1258 —	
2. Արասխաննեանի ֆօնդի համար ստացուած է	46 —	
3. Սալեար. Նօվյա Սայեաթ-Նօվյայի մահարձանի համար ստացուած է	1615 22	
4. Անդամավճարներ Անդամավճարներ ստացուած է 108 անձից	538 —	
5. Մուտքի կամ սեղօննի տոմսերից ստացուած է	35 —	
6. Երեկոյըներից ստացուած է	423 12	
7. Նուերներից «Հին Աստուածներ»ի գատից	600 —	
8. «Հին Աստուածներ»ի գատից	354 85	
9. Նուերուած գրքերի վաճառումից	4 65	
	<u>4874 84</u>	

1) Այս գումարի մէջ մտնում է Սայեաթ-Նօվյայի երգերի և տպագրութեան վաճառումից գոյացած գումարը.

Ծանօթ. Առ 1 յունուարի 1914 թ. մնում է՝

1. Գրական ֆօնդի գումար	1198 —
2. Արասխաննեանի ֆօնդի գումար	46 —
3. Սայեաթ-Նօվյայի գումար	245 29
	<u>1489 29</u>
Դրամարկղում կար	1379 69
Գրական ֆօնդից ծախսուած	109 60

Գանձապահ

ԿԵՐՈՒ

1913 դեկտեմբեր 31

ԵԼՔ

	թ.	կ.
1. Գրական ֆօնդի հաշուեից նպաստներ են տրուած	60 —	
2. Մայեաթ-Նօվյայի հաշուեից ծախսուած է՝ նրա մահարձանի կառուցման և գրքերի տպագրութեան համար	1369 93	
3. Դասախոսութիւնների համար վճարուած	200 —	
4. Աշուղական, դպրոցական երգեցիկ խմբերին և դերասան Վրոյ-րին վճարուած է	33 20	
5. Դահլիճի և թատրոնի վարձ	288 43	
6. Մարկանների	32 84	
7. Հոգեհանգիստներ, պսակներ և ցաւակցական հեռագիրներ	115 82	
8. Յօրելեանական ծախսեր	78 60	
9. Տպարանական ծախսեր, պատկերներ, գրքեր, թուղթ և այլն	180 26	
10. Յայտարարութիւնների և ափիշանների	190 94	
11. Գործավարի սոճիկ	270 —	
12. Ծառաններին	140 90	
13. Գրասեննեակի վարձ	180 —	
14. Մէֆէրտին, Սայեաթ-Նովյայի գրքերը կազմելու	49 45	
15. Ամբիօնի համար Մամաջաննեանցին	30 50	
16. Հաշինները կարգաւորելու համար	25 —	
17. Կահ-կարասիք և ուրիշ գրասեննեային իրեր	193 40	
18. Գրասեննեային մանր ծախսեր	55 88	
	<u>3495 15</u>	
Մնացորդ առ 31 դեկտ. 1913	1379 69	
	<u>4874 84</u>	

Անուշաւան Աբովեան



1913 ԹՈՒԻ ԱՆԴԱՄՆԵՐԻ ՑՈՒՑԱԿԸ

1. Արեղեան Արտաշէս (վճարած).
2. Արէլեան Ներսէս (վճ.).
3. Աբովեան Անուշաւան (վճ.).
4. Աթանասեան Աշոտ (վճ.).
5. Աղանեան Գիւտ ա. ք. (վճ.).
6. Աղասարեան Բախչի (վճ.).
7. Աղբալեան Նիկողայոս (վճ.).
8. Աղաբարեան Յակոբ
9. Ալիխանեան Յակոբ (վճ.).
10. Արմենեան Արմեն (վճ.).
11. Ակունեան Յովհաննէս
12. Բարախանեան Առաքել (Լէօ) (վճ.).
13. Բարայեան Խաչատուր (վճ.).
14. Բաշինջաղեան Գէորգ (վճ.).
15. Բահամթեան Կատարինէ
16. Բարուրեան Գէորգ
17. Բերբերեան Մինաս (վճ.).
18. Գարդիշեան Գարեգին (վճ.).
19. Գեօնջեան Յակոբ
20. Գայֆայեան Կարապետ (վճ.).
21. Դանիէլեան Սօֆիա տիկ. (վճ.).
22. Դանիէլեան Լոռն (վճ.).
23. Դեմիրճեան Դերենիկ (վճ.).
24. Երզնկեան Արամայիս
25. Եսայեան Սարգիս
26. Երզնկեան Սարգիս սարկ.
27. Զարգարեան Արիստակէս բժ. (վճ.).
28. Թումանեան Յովհաննէս (վճ.).
29. Թումանեան Մարիամ իշխանուհի (վճ.).
30. Թումանեան Յարութիւն
31. Իգէկեան Գասպար (վճ.).
32. Լիսիցեան Մտեփան (վճ.).
33. Լալայեան Երուանդ
34. Խնկոյեան Աթարէկ (վճ.).
35. Խանազատեան Ռուբէն (վճ.).
36. Պետրոսեան Մադաթ (վճ.).
37. Ղլտճեան Արսէն վ. (վճ.).
38. Ղազարեան Արշակ (վճ.).
39. Ղազարեան Գէորգ (վճ.).
40. Ղազարեան Անուշաւան (վճ.).
41. Ճուղուրեան Յարութիւն քահանայ (վճ.).
42. Մինասեան Երուանդ բժ. (վճ.).
43. Մովսիսեան Աղէքսանդր (Շիրվանզարէ)
44. Մուրայաջեան Սարգիս (Ամբուղիս)
45. Մելիք—Ադամեան Լոռն (վճ.).
46. Մանուէլեան Լոռն (վճ.).
47. Մանուէլեան Միքայէլ (վճ.).
48. Մալխասեան Յովհաննէս (վճ.).
49. Մանդինեան Սեղբակ (վճ.).
50. Մատէնճեան Մամբէէ (վճ.).
51. Մելիք-Ղարագեօղեան Գէորգ (վճ.).
52. Յարութիւնեան Արշակ (վճ.).
53. Յարութիւնեան Խսահակ (վճ.).
54. Միլիք-Շահնազարեան Կոստանդնուպոլիս (վճ.).
55. Յովհաննիսեան Միքայէլ (Նարդոսու)
56. + Յովհաննիսեան Արիստոն (վճ.).

57. Յովհաննիսեան Կարապետ (վճ.).
58. Յակոբեան Յակոբ
59. Յարութիւնեան Արշակ դերասան (վճ.).
60. Շահպարոնեան Բագրատ (վճ.).
61. Շիրինեան Կարապետ (վճ.).
62. Զմշկեան Մակար (վճ.).
63. Սահակեան Սարգիս (վճ.).
64. Սահակեան Փառանձեմ (Լէյլի) (վճ.).
65. Սոլովեան Յովհակիմ (վճ.).
66. Սերեբրակեան Մարիամ (վճ.).
67. Վարդանեան Գրիգոր (վճ.).
68. Վանեցեան Մկրտիչ-Վալդեան (վճ.).
69. Վարդաղարեան Փիլիպպոս (վճ.).
70. Վարդանեան Արշակ
71. Վըոյը (վճ.).
72. Տէր-Միրաքեան Յովհաննէս (վճ.).
73. Տեօքմէճեան Թագւոր (վճ.).
74. Տէր Յարութիւնեան Միքայէլ (վճ.).
75. Տիգրանեան Արմենուհի օր. (վճ.).
76. Տիտոսեան (Գրիգորեան) Արշա-
- լոյս
77. Տէր Յարութիւնեան Յակոբ (վճ.).
78. Տէր Աւետիքեան Մտեփան (վճ.).
79. Տէր Ղազարեան Տիգրան (Տէրունի)
80. Փիլումեան Տիգրան (վճ.).
81. + Քիշմիշեան Աղէքսանդր
- Բ Ա Գ Ո Ւ
82. Աթաբէկեան Լոռն բժ.
83. Բաղադ-Աղաջանեան Գրիգոր
84. Գեղամեան Եղիշէ ա. ք.
85. Գրիգորեան Միքաք (վճ.).
86. Եսգիրարեան Գարեգին (վճ.).
87. Ղազարեան Յովհաննէս (վճ.).
88. Խաչատրեան Հայկ
89. Խանզատեան Յոլակ
90. Կոստանճեան Յովհաննէս (վճ.).
91. Կրասիլնիկեան Արսէն
- Ե Ր Ե Ւ Ա Ն
100. Տէր-Դանիէլեան Դաւիթ (վճ.).
101. Տէր-Մարգարեան Միլրզա (վճ.).
102. Տէր-Ղազարեան Ղազար
103. Տէր-Բաղդասարեան Արէլ (վճ.).
104. Տէր-Պօղոսեան Հայրիկ (վճ.).
105. Տէր-Առաքելեան Համազասպ (վճ.).
106. Օհանջանեան Ռուբէն
107. Ֆրանգեան Երուանդ
108. Մելեան Մեսրոպ ա. ք. (վճ.).
109. Մարութեան Օհանջան (վճ.).
110. Տէր-Բաղդասարեան Գարեգին (վճ.).
111. Աւետիքեան Մարգար (վճ.).
112. Գիւղալեան Տիգրան
113. Խզմալեան Թագէոս (վճ.).
114. Տէր-Մարտիրոսեան Յովհաննէս (վճ.).
115. Թորոսեան Սահակ (վճ.).
- Վ Ա Ղ Ա Բ Ո Ւ Տ Ի Ն
116. Թաղէոսեան Թագէոս (վճ.).
117. Թորամանեան Թորոս (վճ.).
118. Միլրզայեան Յովսէփ (վճ.).

119. Նալբանդեան Գեղամ-Արմէն (վճ.)

Ա Ս Ր Ա Խ Ա Ն

Ա Խ Ա Լ Բ Ա Լ Ա Բ

120. Տէր-Գրիգորեան Զալալ (վճ.)

121. Տէր-Գրիգորեան Արամ (վճ.)

Ե Ա Լ Տ Ա

122. Բաբիկան Սիմէօն (վճ.)

Դ Ո Ի Շ Ե Թ

123. Աղբիկան Յուսիկ Քահն. (վճ.)

Շ Ո Ի Շ Ի

124. Խանլարեան Յակոբ (վճ.)

125. Տէր-Պօղոսեան Գրիգոր (վճ.)

Ա Ր Դ Ա Հ Ա Ն

126. Նազանեան Սուրէն (վճ.)

Ն Ա Խ Ի Զ Ե Ի Ա Ն

127. Պալղեան (Տէր-Մարգսեան) Արտակ (վճ.)

Ա Ս Ր Ա Խ Ա Ն

Ե Ա Վ Ի Վ Ա Ր Ե Վ

128. Շահպիղ Երուանդ (վճ.)

129. Վարդանեան Փիլիպոս (վճ.)

130. Տէր-Յովինանեան Արշալոյս

131. Զալիսուշեան Գրիգոր (վճ.)

Ո Ո Ս Ո Վ Դ Վ

132. Խշոյեան Ենովլք (վճ.)

133. Հերթեցեան Ներսէս Քահն.

Բ Ո Ի Թ Ա Յ Ի Ս

134. Հայրապետեան Հայրապետ (վճ.)

Վ Լ Ա Դ Ի Կ Ա Ի Կ Ա Զ

135. Մառեկեան Յակոբ Քահն. (վճ.)

Վճարել են 111 անդամ

136. Մկրտումեան Գէորգ Քահն. (վճ.)

Կ Ո Լ Ա Յ Յ (ԸՏ.)

137. Համալեան Սիմէօն

Շ Ո Ի Վ Ի Ի Ի Ի

138. Միրաքեան Վահան (վճ.)

Գ Ի Ի Լ Ա Գ Ա Ր Ա Կ Գ

139. Շաթիրեան Աւետիք (վճ.)

Բ Ա Լ Ա Խ Ա Ն Ա

140. Տէր-Դանիէլեան Միսաք (վճ.)

141. Օհանեան Քրիստափոր բժ. (վճ.)

Ա Պ Պ Ե Տ Ե Բ Ո Ի Բ Գ

142. Աղոնց Նիկողայոս

143. Բուղուղեան Արտաշէս բժ. (վճ.)

Մ Ո Ս Կ Վ Ա

144. Բարխուղարեան Մկրտիչ (վճ.)

145. Ծատուրեան Աղէքսանդր (վճ.)

146. Միքայէլեան Աղէքսանդր-Մարտօ

147. Այլապեան Յակոբ

Բ Ո Ի Խ Ա Ր Ե Ս

148. Փափազեան Վրթանէս

Զ Ա Բ Ա Թ Ա Լ Ա

149. Բէկ-Յովսէփեան Աստուածատուր

(վճ.)

Մ Ա Լ Մ Ա Ս

150. Գուլոյեան Աւետիք (Աէլլի) (վճ.)

1914 թուի

Ե Ա Խ Ա Յ Ա Շ Ա Ջ Ի Ւ Լ

1914 թ. ՈՒԻՒ


ՄՈՒՏՏՔ

	Պ.	Կ.
1. Անդամակցարներ	500	—
2. Սեղոննի տոմս	25	—
3. Նուէրներ	400	—
4. Գրքերի վաճառումից	75	—
5. Երեկոյթից	500	—
6. Գրական երեկոյթներից	1000	—
7. Գրական ֆօնդի $\%_{\text{o}}$	150	—
8. Նուէր «Դիւան հայոց գրականութեան» ժողովածութեան համար	2000	—
<hr/>		
Ընդամենը		4650
<hr/>		

ՆԱԽԱՀԱՇԻՒԼ

ԾԱԽՔ

	Պ.	Կ.
1. Գրասենեակ	240	—
2. Գործակարին	360	—
3. Ծառային	120	—
4. Տպագրական և գրասենեկային ծախքեր, փոստ, հեռագիր	175	—
5. Գրական երեկոյթներին ա. Դահլիճի վարձ	500	—
բ. Դասախոսութիւնների վարձ	500	—
գ. Յայտարարութիւնների վարձ	100	—
6. Շիջուցումն պարտքի 1913 թ.	109 60	—
7. Նիւթերի տպագրութեան	2000	—
8. Տեղեկագրի տպագրութեան	60	—
9. Գրական ֆօնդին 25%	225	—
10. Արասիսանեանի ֆօնդին	200	—
<hr/>		4589 60
Առ 1 յունվ. 1915 թ. Ֆացորդ		60 40
<hr/>		4650



ՀԱՅ ԳՐՈՂՆԵՐԻ ԿՈՎԿԱՍԽԵԱՆ ԸՆԿԵՐՈՒԹԵԱՆ

ԸՆԴՀԱՆՈՒՐ ԺՈՂՈՎՆԵՐԻ

ԱՐՁԱՆԱԳՐՈՒԹԻՒՆՆԵՐԸ

Արձանագրութիւն Հայ Գրողների Կովկասեան Ընկերութեան հիմնադիրների ժողովի, որ կայացաւ 1912 հոկտեմբերի 3-ին ներկայութեամբ՝ Առաքել Բարախանեանի (Լէօ), բժ. Արիստ. Զարգարեանի, Տիգրան Յովհաննիսեանի, բժ. Եր. Մինասեանի, Աշոտ Աթանասեանի, Եր. Լալայեանի և Գիւտ աք. Աղանեանի: Բացակայ էր՝ Ալէքս. Մովսիսեան (Շիրվանզադէ):

Ժողովի նախագահ ընտրուեց բժ. Ա. Զարգարեանը և քարտուղար՝ Գիւտ աք. Աղանեանց:

Նախագահը յայտնեց ժողովին, որ մամուլի մէջ մեր տուած յայտարարութեան արձագանք են տուել մեր գրագէտներից ոմանք, որոնք և ցանկութիւն են յայտնել անդամ լինել Ընկերութեանս. ուստի և առաջարկեց համաձայն կանոնադրութեան անդամներ ընդունել գաղտնի քուէարկութեամբ:

Բժ. Մինասեանս առարկում է, թէ՝ որովհետեւ հիմնադիր անդամներն ունեցել են Ընկերներ, որոնք այս և այն պատճառով չեն ստորագրել նահանգապետին առաջարկած կանոնադրութիւնը, ուստի պէտք է միաձայն անդամ ընտրել բոլոր և նրանց, որոնք ըստ մեր կանոնադրութեան իրաւունք ունին ընտրուելու:

Ժողովը ընդունեց այս առաջարկը և քուէարկելով անդամ ընտրեց նըանցից հետեւեալ անձերին.—Գրիգոր Վարդանեանին, Արտաշէս Արեղեանին, Արշակ Յարութիւնեանին և Խոսհակ Յարութիւնեանին՝ միաձայն, Նարդոսին 6 ձայնով ընդդէմ 1-ի:

Նոր առաջարկուածներից անդամ ընտրուեցան՝ Յովհ. Թումանեան, Սահակ Թորոսեան, Ստեփան Լիսիցեան, բժ. Աղասարեան, Տիգրան Գիւղալեան, Թուբէն Խանազատեան, Մկրտիչ Վանեցեան—Վալաղեան միաձայն. Փիլ. Վարդագարեան, Յակով Գեօնջեան և Սարգիս Մուրայաջեան—Ատրպահուան՝ 6 ձայնով ընդդէմ 1-ի. Լևոն Դանիէլեան, Լևոն Մելիք-Աղամեան և Բագրատ Շահպարոնեան 5 ձայնով ընդդէմ 2-ի. Կարապետ Յովհաննան և Կրպէ 4 ձայնով ընդդէմ 3-ի:

Նալբանդեան Գեղամ-Արմենը, որ նամակով ինդրել է Ալէքսանդրովից իրան անդամ ընդունել, հիմնադիր անդամներին անձանօթ լինելով՝ խնդիրը մնաց ընդէ. Ժողովին: Աս. Երիցեանի մասին որոշուեց, որ նա ինքը դիմէ ժողովին, որպէսզի ժողովը իրաւունք ունենայ նրան քուէարկել. նոյնը և Արիսողոմ Յովհաննիսեանցի մասին:

Ընկերութեանս գործունէութեան շրջանը ընդլայնելու համար հարկաւոր համարուեց անդամների թիւը շատացնել, ուստի և պարտաւորութիւն դրուեց անդամների վրայ, որ իւրաքանչիւրը նրանցից մասնաւոր եղանակով առաջարկեն և միւս գրագէտներին, առանց խարութեան ուղղութեան և հայեցքների, որ նրանք էլ շտապեն անդամազրուել Ընկերութեանս:

Որոշուեց այս հոկտեմբերի 10-ին երեկոյեան 7½ ժամին ընդհանուր ժողովը գումարել Քաղաքային Դումայի գահինում նոր անդամներ ընդունելու և պաշտօնատար անձինք ընտրելու համար:

Նախագահ՝ բժ. Արիստակս Զարգարեան

Անդամ-քարտուղար՝ Գիւտ ա. ք. Աղանեան

○○○○○○○○○○

II

Հայ Գրողների Կովկասեան Ընկերութեան առաջին ընդհանուր ժողովը

Հոկտեմբերի 10-ին 1912 թ., Թիֆլիզում, քաղաքային Դումայի գահին հում կայացաւ «Հայ Գրողների Կովկասեան Ընկերութեան» առաջին ընդհանուր ժողովը, նախաձեռնութեամբ Ընկերութեան 8 հիմնադիր անդամների: Հիմնադիր անդամների քուէարկութեամբ *) ներկայ ժողովից առաջ Ընկերութեան անդամ էին ընտրուել հետեւեալ անձինք.—Յովհաննէս Թումանեան, Նար-Դոս, Ատրպետ, Փիլիպպոս Վարդագարեան, Տիգրան Գիւղալեան, Վ. Վալաղեան, Յակով Գէնջեան, Արշակ Յարութիւնեան, Լևոն Մէլիք-Աղամեան, Գրիգոր Վարդանեան, Ստեփան Լիսիցեան, Բագրատ Շահպարոնեան, Խանազատեան, Թուբէն Խանազատեան և Ռուբէն Խանազատեան: Հիմնադիր անդամների հետ միասին (Լէօ, Շիրվանզադէ, բժ. Ա. Զարգարեան, Երւանդ Լալայեան, բժ. Ե. Մինասեան, Աշոտ Աթանասեան, Տիգրան Յովհաննիսեան, Գիւտ ք. Աղանեան)՝ ընդամենը 20 հոգի:

*) Քուէարկւել էին նրանք, որոնք ցանկութիւն էին յայտնել անդամազրուել Ընկերութեանը.

Ժողովը բացեց բժ. Ա. Զարդարեանը (հիմնադիր անդամների ժողովի նախագահը), համառօտակի բացատրելով Ընկերութեան կազմուելու պարագաները: Ժողովի նախագահ ընտրում է, գաղտնի քէշարկութեամբ, Յովհաննես Թումանեանը, ստանալով 14 սպիտակ և 3 սև քուէ:

Նախագահը, շնորհակալութիւն յայտնելով իր ընտրութեան համար, շնորհաւորում է ժողովականներին՝ Հայ Գրողների Ընկերութեան կազմուելու առթիւ, որի պահանջը զգալի է եղել վաղուց:

Ա. Արանասեանը առաջարկում է յոտնկայս յարգել յիշատակը այն մարդկանց, որոնք իրենց հասարակական գործունելութեան ընթացքում միշտ աշխատել են Հայ Գրողների Ընկերութեան գաղափարը իրականացնելու համար: Դրանք են՝ Սմբատ Շահ-Ազիզ, Պերճ Պոօշեան և Ղաղարոս Աղայեան: Ժողովականները ոտքի են կանգնում:

Կարդացում են անունները այն անձանց, որոնք ցանկութիւն են յայտնել, անձամբ կամ նամակով թէ ուրիշի միջոցով, անդամագրուելու նորակազմ Ընկերութեանը:

Յ. Գենչեանը կարևոր է համարում, որ անդամագրուել ցանկացողներից իւրաքանչիւրի մասին տեղեկութիւն տրուի ժողովի մեծամասնութիւնը, սակայն, գտնում է, որ անդամութեան թեկնածուները բաւականաչափ յայտնի են ժողովականներին: Անդամագրուել ցանկացողների անունները (18 հատ) գրում են քէշարկութեան (գաղտնի), որին մասնակցում են քսան (20) հոգի: Քուէշարկութիւնը հետեւեալ արդիւնքն ունեցաւ.

1) Վրթ. Փափագեան	17	սպիտակ և 3 սև
2) Լեռն Մանւելեան	20	» — »
3) Արիսողոմ Յովհաննիսեան	20	» — »
4) Արշակ Ղաղարեան	17	» 3 »
5) Յովհաննէս Մալխասեան	16	» 4 »
6) Յակոբ Ալիխաննեան	14	» 6 »
7) Գէորգ Ղաղարեան	18	» 2 »
8) Յովհ. Տէր-Միրաքեան	17	» 3 »
9) Աթ. Խնկոյեան	18	» 2 »
10) Մակ. Զմշկեան	13	» 7 »
11) Յակոբ Յակոբեան	16	» 4 »
12) Դերենիկ Դեմիրջեան	18	» 2 »
13) Իշխ. Մ. Թումանեան	13	» 7 »
14) Սէյրի	17	» 3 »
15) Վրոյը	19	» 1 »
16) Գեղամ-Արմէն	15	» 5 »
17) Արամայիս Երդնկեան	14	» 6 »
* 18) Միքայէլ Մանւելեան	17	» 3 »

Բոլորն էլ համարուեցին ընտրուած:

*) Այս 18 հոգու ընտրութիւնից յետոյ, ցանկութիւն է յայտնում քուէշարկուել Յակ. Աղաբարը, որը ուշ էր եկել: Նա քուէշարկուեց առանձին և ստա-

Մ. Զմշկեանը հետեւեալ չորս առաջարկներն է անում. ա) Քանի որ Ընկերութեան հրապարակ գալը զուգորդում է հայ տառի 1500-ամեակին և հայ տպագրութեան 400-ամեակին, ոտքի կանգնելով յարգանք մատուցել՝ 400 տարի հայ գրականութեան անդամանում զործած բոլոր անձանց յիշատակին. բ) Ժողովի կողմից չնորհաւորական հեռագիր ուղարկել էջմիածին՝ տառերի գիւտի և տպագրութեան յոբելիանների առթիւ. գ) Թարգմանչաց օրը դարձնել Ընկերութեան տօնը և դ) հրատարակել ժողովածու բոլոր գրողների մասնակցութեամբ և նրա վաճառումից գոյանալիք արդիւնքը յատկացնել աղքատ գրողներին:

Տ. Յովհաննիսեանը այդ առաջարկները, բացի առաջնից, գտնում է օրակարգից միանգամայն դուրս, ուստի ժողովը չի կարող նրանցով զբաղուել:

Ժողովը մերժում է զբաղուել Մ. Զմշկեանի վերջին երեք առաջարկներով. ընդունում է միայն առաջինը և յոտնկայս յարգում է բոլոր նախորդ գրական գործիչների յիշատակը:

Ժողովի անցնում է վարչութեան 8 անդամների և 3 փոխանդամների ընտրութեան:

Ա. Արանասեանը առաջարկում է թեկնածուների ընտրութիւնը կատարել թերթիկներով, քանի որ Ընկերութիւնը խոշոր նշանակութիւն ունի և վարչութեան ընտրութիւնների հարցին հարցաւը է մօտենալ լրջօրէն: Առաջարկն ընդունում է: Թեկնածուների համար առաջարկում են՝

Յովհ. Թումանեան (26 ձայն), Լէօ (24), Տ. Յովհաննիսեան (17), բժ.

Ա. Զարգարեան (18), Արշ. Յարութիւնեան (14), Ա. Աթանասեան (16), Նար-Դոս (14), բժ. Ե. Միսասեան (12), Ե. Լալայեան (11), Գ. Ք. Աղանեան (14), Շիրվանզադէ (բացակայ., 9), Մտ. Լիսիցեան (9), Ատրպետ (8), Ա. Ղաղարեան (7), Յ. Յակոբեան (7), Յ. Ալիխաննեան (7). Ֆիացած բոլորը (19 հոգի) ստացան իւրաքանչիւրը՝ եօթ ձայնից պակաս: Մի քանիսը հրաժարում էն իրենց քուէշատուփերը դնելուց: Յ. Գէնջեան, որը ստացել էր մի ձայն, դնում է նաև իր քուէշատուփը: Քուէշարկում են՝ Յովհ. Թումանեան, Լէօ, Ե. Լալայեան, Տ. Յովհաննիսեան, Գ. Ք. Աղանեան, բժ. Ա. Զարգարեան, Ա. Աթանասեան, Արշ. Յարութիւնեան, Յ. Ալիխաննեան և Յ. Գէնջեան: Քուէշարկութիւնը (գաղտնի) տուեց հետեւեալ արդիւնքը.

1. Յովհ. Թումանեան	33	սպիտակ և ոչ մի սև
2. Լէօ	30	» 3 »
3. Բժ. Ա. Զարգարեան	28	» 5 »
4. Տ. Յովհաննիսեան	27	» 6 »
5. Ա. Աթանասեան	27	» 6 »
6. Գ. Ք. Աղանեան	25	» 8 »
7. Արշ. Յարութիւնեան	23	» 10 »

ցաւ 20 սպ. և 8 սև (այս անգամ քուէշարկութեանը մասնակցում էին նաև նոր ընտրուած անդամները):

8. Եր. Լալայեան	22	»	11	»
9. Յակ. Ալիխանեան	17	»	14	»
10. Յակ. Գէնջեան	3	»	30	»

Վարչութեան անդամութեան համար ընտրուեցին այդպիսով՝ Յովհ. Թումանեան, Էջո, բժ. Ա. Զարգարեան, Տ. Յովհաննիսեան, Ա. Աթանասեան, Գ. ք. Աղանեան, Արշ. Յարութիւնեան և Ե. Լալայեան։ Յակ. Ալիխանեանը համարուեց անձնափոխանորդ։

Բժ. Ա. Զարգարեան միաձայն ընտրուում է Վարչութեան գանձապահ։ Ընտրութիւններին մասնակցեցին 33 հոգի։

Ժամանակի ուշ լինելու պատճառով որոշուում է ժողովը փակել, յանձնաբարելով նորընտիր Վարչութեան յաջորդ ժողով գումարել մի ամսից ոչ ուշ։

Ժողովի փակումից առաջ, բոլոր ներկայ եղողները ոտքի կանգնելով յարգում են Ղազարոս Աղայեանի յիշատակը, որի անունով, նրա հայրենի Բոլիս-Խաչէն գիւղում, առաջիկայ կիւրակի օրը բացուելու է գրադարան-ընթերցարան։ Բժ. Զարգարեանը, Հրատ. Ընկ. Վարչութեան նախագահը, յայտնում է, որ Հրատ. Ընկերութեան գրասենեակը դրում է նորակազմ Ընկ. Վարչութեան տրամադրութեան տակ, մինչև որ Ընկերութիւնը իր առանձին գրասենեակը կունենայ։

Նախագահ՝ Յովհ. Թումանեան

Քարտուղար՝ Վ. Վալադեան

ՅՅՅՅՅ

III

Կովկասնան Հայ Գրողների Ընկերութեան թ. Ընդհանուր ժողովը

1912 թ. նոյեմբերի 25-ին

Կիւրակի, նոյեմբերի 25-ին, երեկոյեան 7 ժամին քաղաքային տան դաշնամում կայացաւ «Կովկասի Հայ Գրողների Ընկերութեան» երկրորդ Ընդհանուր ժողովը։

Վարչութեան նախագահ Յովհաննէս Թումանեանը 24 անդամի և 14 անդամագրուել ցանկացողի ներկայութեամբ բանալով ժողովը, հրաւիրում է ընտրել նախագահ։ Պ. Յ. Գէնջեանի պահանջով ընտրութիւնը կատարում է թերթիկներով։

Առաջարկում են թեկնածուներ պ. պ. Իս. Յարութիւնեան և Արշակ Ղաղարեան։

14 ձայնով 6-ի դէմ նախագահ է ընտրուում պ. Իս. Յարութիւնեանը և քարտուղար ընտրուում է Ա. Գուլօհեանը։

Նախ քան օրակարգի հարցերին անցնելը, նախընթաց Ընդհանուր ժող-

ովի քարտուղար պ. Վալադեանը կարգում է նոյն ժողովի արձանագրութիւնը։ Պ. Գ. Վարդանեանը նկատում է, որ բժ. Արիստակէս Զարգարեանը, բանալով անցեալ Ընդհանուր ժողովը, յայտնեց, որ Ընկերութիւնը է ստացել տառերի գիւտի և հայ տպագրութեան յօրելեանական մասնաժողովի ջանքերով։ այդ բանն արձանագրութեան մէջ չէ յիշուած, հարկաւոր է մտցնել։ Առաջարկուեց և ընդունուեց ժողովի կողմից, որ բժ. Զարգարեանը ներկայացնէ իր ասածները գրաւոր կերպով, որը և կցել ընդհանուր ժողովի արձանագրութեանը։

Դրանցից յետոյ ժողովի նախագահը կարգում է օրակարգի հարցերը։

ա) Վարչութեան զեկուցումը զբական ֆօնդ կազմելու մասին։

բ) Ընտրութիւն նոր անդամների։

գ) Ընթացիկ հարցեր։

Որպէսզի նոր ընտրուող անդամներն էլ մասնակցութիւն ունենան ժողովի զբաղմունքներին, առաջինը գրում է նոր անդամների ընտրութիւնը։ Վարչութեան նախագահ Յովհաննէս Թումանեանը խօսք առնելով ասում է. — Նախագահ նոր անդամագրուել ցանկացողների քուէարկութեան անցնելը, ես կարծում եմ կարեոր է բացատրել մեր կանոնագրութեան առաջին կէտը, թէ ո՞վ կարող է անգամ գրուել Հայոց Գրական Ընկերութեանը. մանաւանդ այդ հարցն այժմ մամուլի մէջ վէճի առարկայ է զարձել։ Մեր կանոնագրութեան առաջին կէտի հիման վրայ Ընկերութեանը անդամ կարող են լինել նրանք, որոնք հայոց մէջ աշխատում են զբականութեան, գիտութեան և մամուլի ասպարէզներում։ Այսպիսով պարզում է, որ Ընկերութիւնը ընտրեալների մի կաճառ չէ, հայկականակաղեմիա չէ, այլ մի հաստատութիւն, որի յարկի տակ կարող են ժողովուել խօշոր ու տաղանդաւոր մարդկանցից սկսած մինչեւամենահամեստ աշխատաւորն այդ ասպարէզներում՝ փոխազարձ օգնութեան և բարոյական-գեղարուեստական զարգացման նպատակով, ճիշտ այնպէս, ինչպէս է ոռուսաց զբական ընկերութեան մէջ, ուր Տօլստօյի, Տուրգենևի, Չեխովի և միւս մեծերի հետ միասին գրած են լինելու կիտրական, ևս կըցանկայի, որ այդ լինէր Ընկ. բարոյականի վերաբերութեամբ և աշխատէինք նրա բարոյական պատկերը պահել մաքուր, անաղարտ, բարձր ամեն նեղ կուսակցական միտումներից։ Եւ արդէն առանց այդ պայմանների չի կարող լինել զբական-գիտական մթնոլորդ, չի կարելի երկակայել զբական-գիտական մի հաստատութիւն։

Պ. Յ. Գէնջեանը բողոքում է այդ սկզբունքի դէմ, պահանջելով, որ Ընկերութեանը մասնակցելու թոյլ տան միայն պրօֆէսիօնալ գրողներին։ Մուս գրողների ընկերութեան մէջ, ճիշտ է, կան մինչեւ իսկ ընդունելու բարձր ամսին նույնական գրական-գիտական մի հաստատութիւն։

Ժողովի նախագահը բացատրում է, որ կանոնագրութեան մէջ պարզ ասուած է հեղինակ, գիտական, լրագրող, որոնք կարող են մտնել Ընկ. մէջ և հարցնում է ժողովի կարծիքը՝ կարեոր կայ ներկայումս զբաղուել

այդ հարցով, թէ ոչ. կարծիքները բաժանում են և 'ի վերջոյ խնդիրը դրում է քննութեան:

Պ. Արշակ Յարութիւնեանը գտնում է, որ մենք սուսների և այլ աղ-գերի օրինակով չենք կարող գրողների զուտ պրօֆէսիօնալ ընկերութիւն կազմել, քանի որ մեզանում գրականութիւնը, որպէս պրօֆէսիա, գեռ ևս չի ապառվում իր մշակներին: Մնում է թողնել ընդունուած ձեր և նոր անդամներին քւէարկելիս լինել ճանաչող և բարեխիղճ:

Պ. Արշակ Ղազարեանը անհրաժեշտ է գտնում, որ անդամների ընտրութեան խնդրում գործադրուել որոշ կրիտէրիում: Հարցեր են տալիս, օրինակ՝ ի՞նչ կառաջարկէիք: Պ. Ա. Ղազարեանը պատասխանում է. օրինակ՝ մի տարի ժամանակամիջոց գրել սկսած օրից: ունենան, ի հարկէ, գեղարուեստական գրողների լեզու: Բայց դա կարեոր չէ. երբ որ սկզբունքով կըդրուի իմ առաջարկը, այն ժամանակ կարելի է մի կրիտէրիում որոշել:

Պ. Յով. Թումանեանը առաջարկում է սրա դէմ, թէ ժամանակը չի կարող ծառայել որպէս կրիտէրիում: Էս օր գուրս եկած մի գեղարուեստական գրող կարող է այնպիսի մի երկ ունենալ, տալ, որ միանդամայն կորոշի իր տեղը գրականութեան մէջ, կամ մի ուրիշը կըտայ գիտական ուսումնակրութիւն, երբորդը զուրս կըդայ մամուլի մէջ այնպիսի թափով ու յօդուածներով, որ միանդամից կը համոզի, որ ինքը հրապարակախոսական մի խոշոր ընդունակութիւն է: Միթէ սրանց պէտք է ասենք, սպասեցէք մի տարի, որ քեզ ընդունենք մեր լինկերութեան մէջ:

Պ. պ. Դեմիրճեան և Վալադեան գտնում են ընդունուած ձեր նպատակայարմար:

Նախագահը ձեւակերպում է արտայայտուած կարծիքները:

Առաջարկում են բանաձեռ պ. պ. բժ. Մինասեան, Արշ. Ղազարեան և Արշ. Յարութիւնեան: Պ. Արշ. Ղազարեանի կրիտէրիում որոշելու բանաձեռ ստանում է 4 ձայն: Բժ. Մինասեանի և Յարութիւնեանի բանաձեռն էապէս նոյն էին, միայն իրար լրացնում էին: Զայների մեծամասնութեամբ անցաւ վերջինի բանաձեռ, որ հետեւեան է. «Ժողովը լսելով զանազան կարծիքներ կանոնադրութեան առաջին կէտի բուն իմաստի, գտնում է, որ այդ կէտը չպէտք է հասկանալ այն մտքով, թէ լինկերութեան անդամագրուողները պէտք է անպատճառ պրօֆէսիօնալ գրող (լիտերատօր), գիտնական, կամ լրագրող լինին: Գալով այն խնդրին, թէ ի՞նչ կրիտէրիում պէտք է լինդունել լինկերութեան անդամագրուել ցանկացող որ և է մարդու՝ համաձայն կանոնադրութեան առաջին կէտի՝ «գրող» (լիտերատօր), «գիտնական» կամ «լրագրող» ճանաչելու համար, ժողովը գտնում է, որ այդ պէտք է թողնել իւրաքանչիւր ընտրողի խղճին ու անձնական հայեցողութեանը»:

Այնուհետեւ Վարչութեան նախագահը կարդում է անդամագրուել ցանկացողների անունները, 50-ից աւելի, որոնք դիմում էին արել Թիֆլիսից և Կովկասի ու Խուսաստանի զանազան վայրերից: Դրանցից ոմանց վերաբերմամբ ժողովականների պահանջով տրւում են տեղեկութիւններ: Մի երկու հոգի, զանազան անորոշութիւնների պատճառով չեն ենթարկում քուէարկու-

թեան: Տուփերի քչութեան պատճառով քուէարկութիւնը կատարւում է երկու նուագով: Առաջին նուագի քուէարկութիւնից յետոյ խոռք է բացւում 22 սպիտակով ընտրուած օր. Լէյլիի մասին, որը կանանց բարձր կուրսերի ուսանողուհի է, և հարց է առաջարկուում՝ թէ կարո՞ղ են ուսանողներն առհասարակ լինել լինկերութեան անդամ, քանի որ կանոնադրութեան մէջ ասուած է, որ անչափահաս ուսանողներն անդամ լինել չեն կարող, մինչդեռ օրիորդը չափահաս է, սակայն ուսանողուհի է, Տրւում են թերև և դէմ կարծիքներ. ի վերջոյ ժողովը յանձնարարում է Վարչութեանը պատշաճ աղբիւներից հաւասարիանալ կանոնադրութեան այդ կէտի ճշգրիտ կիրառման մասին և զեկուցել նրան յաջորդ ժողովին: Այդ հիման վրայ և Վարչութիւնը չի քուէարկում օր. Արմէնուհի Տիգրանեանին, որը նոյնպէս կանանց բարձր կուրսերի ուսանողուհի է:

Առաջին նուագի քուէարկութեանը, որին մասնակցում էին 24 հոգի, ընտրուում են՝

1. Ղահրամանեան Մարտիրոս	16 սպիտակ	6 սկ 2 ձեռնպահ
2. Եսայեան Սարգիս	22 »	2 »
3. Տէօքմէնեան Թագուր	19 »	5 »
4. Տէր-Գրիգորեան Տիգրան	13 »	10 » 1 ձեռնպահ
5. Մեհրաբեան Արշակ	16 »	8 »
6. Ճուղուրեան Յարութիւն, քահ.	18 »	6 »
7. Երզնկեան Սարգիս, սարկաւագ	16 »	8 »
8. Մուրադեան Գէորգ	22 »	2 »
9. Աւետիսեան Մարգար	22 »	2 »
10. Գեղամեան Եղիշէ, աւ. քահ.	18 »	6 »
11. Մահակեան Սարգիս	21 »	3 »
12. Նահապետեան Վազարշակ, բժ.	16 »	8 »
13. Մայիլեան Անտոն	17 »	7 »
14. Օհանջանեան Ռուբէն	15 »	9 »
15. Աղբալեան Նիկողայոս	24 »	միաձայն
16. Արմէնեան Արմէն, գեղասահ	22 »	2 սկ
17. Աթարէզգեան Լիոն, բժ.	23 »	1 »
18. Իվելիեան Գասպար	17 »	7 »
19. Տէր-Մանուէլեան Լիոն	13 »	11 »
20. Մելեան Մեսրոպ, աւ. ք.	20 »	4 »
21. Գրիգորեան Սիրաք	16 »	8 »
22. Խզմալեան Թագուր	23 »	1 »
23. Տէր-Դանիէլեան Դաւիթ	16 »	8 »
24. Օհանեան Քրիստափոր բժ.	18 սպիտակ	6 սկ
25. Տէր-Սարգսեան Միրզա	15 »	9 »
26. Տէր-Ղազարեան Ղազար	15 »	9 »
27. Տէր-Բաղդասարեան Արել	12 »	10 »

Երկրորդ նուագի քուէարկութեան մասնակցում են 21 հոգի և ընտրուում են
հետևեալ անձերը.

28. Բարիեան Սիմէօն	18 սպիտակ	3 սկ	
29. Տէր-Պօղոսեան Հայրիկ	11 »	8 »	2 ձեռնպահ
30. Տէր-Յարութիւնեան Միքայէլ սար.	13 »	8 »	
31. Յովհաննիսեան Յովհաննէս	20 »	1 »	
32. Կոստանեան Յովհաննէս	19 »	2 »	
33. Կրասիլնիկեան Արսէն	17 »	4 »	
34. Տէր-Մարտիրոսեան Յովհ. (Ա-դօ)	19 »	2 »	
35. Սառիկեան Յակոբ քահանայ	15 »	6 »	
36. Հերթեցեան Ներսէս քահանայ	12 »	9 »	
37. Նազանեան Սուրէն	13 »	8 »	
38. Արովեան Անուշաւան	16 »	5 »	
39. Սոլովեան Յովհակիմ	21 »	միաձայն	
40. Աերեբեակեան Մարիամ	18 »	3 սկ	
41. Հայրապետեան Հայրապետ	15 »	6 »	
42. Տէր-Առաքելեան Համազասպ Զոր-Քէշիշեան	18 սպ.	3 սկ	
43. Մանդինեան Մեղրակ	19 սպիտակ	2 սկ	
44. Ծատուրեան Ալէքսանդր	21 »	միաձայն	
45. Բերբերեան Մինաս	20 »	1 սկ	

Չես ընտրուում հետևեալ անձինք ստանալով՝

1. Գալֆայեան Կարապետ գերասան	10 սպիտակ	10 սկ	1 ձեռնպահ
2. Բազագ Աղաջանեան Գրիգոր	8 »	10 »	3 »
3. Պարզեան Ալէքսանդր	6 »	12 »	3 »
4. Մկրտումեան Յովհաննէս	9 »	10 »	2 »
5. Տէր-Միրաքեան Տ.	9 »	12 »	

Քուէարկութեան հետևանքը պարզուելուց յետոյ բժ. Մինասեանը հարց
առաջարկեց Վարչութեանը, թէ նա արդիօք որևէ է կերպ մասնակցե՞լ է դե-
րասան Աւետեանի յօրելեանին:

Վարչութեան նախագահը պատասխանեց, որ Գրողների Ընկ. պէտք է
ինքնուրոյնութեամբ արձագանք տայ հայ կեսնքի աւելի խոշոր երեսյներին
և ապա՝ դեր. Աւետեանի յօրելեանին չէր կարող մասնակցել, քանի որ հար-
ւէր չի ստացել: Ժամանակի ուշ լինելու պատճառով օրակարգի միւս հար-
ցերի քննութիւնը յետաձգուեց, նշանակելով ժողովի շարունակութիւնը ա-
ռաջիկայ կիւրակի, դեկտեմբերի 2-ին:

Ժողովը փակուեց ժամը 11-ին տևելով $3\frac{1}{2}$ ժամ:

Նախագահ՝ Իս. Յարութիւնեան

Նոյեմբերի 30-ին 1912 թ.
Թիֆլիս

IV.

Կովկասի Հայ Գրողների Ընկերութեան Բ. Ընդհանուր Ժողովը:

(Շարունակութիւն)

1912 թ. դեկտեմբերի 2-ին:

Դեկտեմբերի 2-ին ժամը 8-ին Դումայի դահլիճում բացուեց Հայ Գրող-
ների Կովկասեան Ընկերութեան Բ. ընդհանուր Ժողովի շարունակութիւ-
նը՝ ներկայութեամբ 23 անդամի և 4 անդամագրուել ցանկացողների: Նա-
խագահում էր դարձեալ պ. Խահակ Յարութիւնեանը:

Կարգացուեց և փոքրիկ փոփոխութիւններով հաստատուեց անցեալ
Ժողովի արձանագրութիւնը:

Պ. Ալիխանեանը հարց է առաջարկում, թէ ի՞նչ է նշանակում, զերա-
սան Աւետեանի յօրելեանին մասնակցելու առիթով վարչութեան պ. Նա-
խագահի անցեալ ժողովում յայտարարուածը, թէ Ընկերութիւնը կարող է
մասնակցել միաձայն հայ կեանքի խոշոր երեսյներին, Պ. Թումանեանը
պատասխանում է, որ ինքնարերաբար պէտք է մասնակցէ, իսկ մնացեալ
դէպքերում, երբ գիմում կստանայ, միշտ պատրաստ կլինի արձագանք տա-
լու ամեն կուլտուրական երեսյի: Ժողովը գոհով գոհանում է այդ բացատրու-
թեամբ:

Պ. Սօլովեանը հարցնում է, թէ ի՞նչ եղաւ ուսանողների անդամագրու-
թեան հարցը, որը ժողովի յանձնարարութեամբ վարչութիւնը պէտք է ստու-
գէր: Պ. Թումանեանը տալիս է տեղեկութիւն, թէ վարչութիւնը տեղեկա-
ցել է իրաւաբաններից, որ պետական օրէնքի մէջ ասուած է «անչափահաս
աշակերտ» խօսքերը վերաբերում են միջնակարգ և տարրական դպրոցների
աշակերտներին: Իսկ բարձրագոյն դպրոցների ուսանողները միշտ ազատ են
մասնակցել հասարակական Ընկերութիւններին, եթէ նրանց վարչութիւնը,
կամ ներքին կանոնագրութիւնը թոյլ է տալիս: Ուրեմն օր. Լէյլին և Սը-
մենուհի Տիգրանեանը պէտք է տեղեկանան թոյլ է տալիս արդիօք Թիգ-
լիսի կանանց բարձր կուրսերի վարչութիւնը, կամ այդ հաստատութիւն-
ների ներքին կանոնագրութիւնը՝ մասնակցել հասարակական Ընկերու-
թիւններին:

Դրանից յետոյ պ. Նախագահը կարգում է օրակարգի հարցերը.

1. Վարչութեան զեկուցումը գրական ֆօնդ կազմելու մասին:

2. Ընկերութեան 1913 թ. նախահաշուի քննութիւնն ու հաստատու-
թիւնը:

3. Ընտրութիւն նոր անդամների:

4. Հերթեական հարցեր:

Հստ սովորութեան առաջարկուեց նոր անդամների ընտրութիւնը կա-
տարել: Այս անգամ ցանկութիւն էին յայտնել անդամագրուելու 6 հոգի.

սրանց մասին Վարչութեան նախագահը տուեց մանրամասն տեղեկութիւն։ Ժողովի համաձայնութեամբ քուէարկութեան դրուեցին նաև անցեալ ժողովում չընտրուած պ. պ. դերասան Գալֆայեանը և Գրիգոր Աղաջանեանը, քանի որ դրանց վերաբերմամբ անցեալ ժողովին շատ քուէարկողներ թիւրիմացութեան մէջ են ընկել։

Քուէարկութեանը մասնակցում էին 28 հոգի։ Քուէարկուած 8 հոգին էլ ընտրուեցին Ընկերութեան անդամ, ստանալով՝

1. Գ. Մէլիք-Ղարագիօղեան	26	սպիտակ—2	ձեռնպահ
2. Մարտօ	22	սպիտակ—3	սև 3 ձեռնպահ
3. Ալ. Թիշմիշեան	24	սպիտակ	4 սև
4. Արսէն Ղլտճեան	27	»	1 »
5. Մադաթ Պետրոսեան	25	»	3 »
6. Խաչատուր Բաբայեան	24	»	4 »
7. դեր. Գալֆայեան	23	»	5 »
8. Բագազ Աղաջանեան	28	»	

Այսուհետեւ դրում է օրակարգի առաջին հարցը և բժ. Ա. Զարգարեանը կարդում է Վարչութեան կազմած նախահաշիւը, ըստ որի Ընկերութիւնը 1913 թուին մուտք է սպասում։

1. (Սնդամների) անդամավճարներից	500 ռ.
2. Շաբաթական դասախոսութիւններից և երեկոյթ.	100 ռ.
3. Ներկայացումներից զբուանքներից և այլն	500 ռ.
4. Նուիրաբերութիւններից	5000 ռ.
5. Տոկոսներ	100 ռ.
		6200 ռ.

Այդ մուտքի դիմաց Վարչութիւնը ելք նշանակել էր՝		
1. 25% հիմնակ. դրամագլխից	1550 ռ.
2. 10% Գրական ֆօնդի անձեռնմխելի գումար	465 ռ.
3. Ընկ. անդամներին փոխարինաբար տրուող	1395 ռ.
4. Նպաստներ	1700 ռ.
5. Գրասենեակի վարձ	300 ռ.
6. Գործավարի ոռնիկ	300 ռ.
7. Կահ կարասիքի	170 ռ.
8. Դիւանական և փոստի ծախս	200 ռ.
9. Ծառայի ոռնիկ	120 ռ.
		6200 ռ.

Պ. Երզնկեանը նկատում է, որ անհրաժեշտ է նախահաշուի կարդալուց առաջ տալ Վարչութեան առաջիկայ գործունէութեան վերաբերեալ զեկուցում, որը ժողովականները գտնում են իրաւացի։

Մի քանի կարծիքների փոխարակութիւնից յետոյ պ. Արշակ Յարութիւնեանի առաջարկութեամբ ժողովը ընդունում է, որ նախահաշուի վերաբերեալ զեկուցումից առաջ, զեկուցուի Վարչութեան մինչև այժմ ունեցած գործունէութեան մասին։

Վարչութեան նախագահ Յովհաննէս Թումանեանը զեկուցանում է, որ Վարչութիւնը այս մօտ երկու ամսուայ ընթացքում ստացել է նուէր 1600 ռ.։ Ապա որոշել և ընտրել է Վարչութիւնից դուրս՝ մի Մասնաժողով՝ կազմակերպելու պարբերական երեկոյթներ, դասախոսութիւններ, ինկատի կայ, որ Ընկերութեան անդամներն իրենց ընտանիքով ձրի մուտք ունենան երեկոյթներին, իսկ կողմանկի մարդիկ՝ համեստ վճարով։ Արդէն ի նկատի կայ գրական տօն կատարել նուիրած Ստեփանոս Նաղարեանին, Ալիշանին, Սայեաթ-Նօվային, Գր. Արծրունուն և ուրիշներին։ Բարեգործական Ընկերութիւնը և Դրամատիկական Ընկ. յօժարութեամբ Գրողների տրամադրութեան տակ են դրել, առաջինը՝ իր դահլիճը, երկրորդն՝ իր դերասանական խումբը։

Ապա ժողովի համաձայնութեամբ նախահաշիւը դրում է քննութեան կէտ առ կէտ։

1 կէտ—100 անդամավճարներից մուտք 500 ռ. ոմանը գտնում են այդ գումարը քիչ է, որ մօտ 100 անդամ կայ հէնց այժմ։ Ժողովը բարուք է համարում միշտ ամենաքիչը նշանակել և 500 ռ. թողնում է նոյնութեամբ։ ի միջի այլոց հարց է առաջարկում, թէ երբուանից է սկսում Ընկերութեան տարին։ Վարչութեան կողմից առաջարկում և ժողովի կողմից ընդունւում է՝ Ընկերութեան տարին սկսել առաջիկայ 1913 թուի յունւարից։

2 կէտ—Դասախոսութիւններից 100 ոուրլու վերաբերմամբ Վարչութեան նախագահը բացարութեան է տալիս, որ երեկոյթները պէտք է կրթական դեր կատարեն և շահադիտական ձգտումներ չունենան։ ի միջի այլոց հաղորդում է, որ ի նկատի կայ հայ հեղինակների դրամատիկական երկեր, որպէս փորձ, առաջին անգամ ցուցադրուեն և երևան հանուեն նկարչական, երաժշտական արտադրութիւնները։ Դասախոսութիւններն էլ միշտ կնուիրուեն գրական կամ գիտական ինդիբների։

Պ. Ալիխանեանը գտնում է, որ երեկոյթներից նոյնիսկ 100 ոուրլի սպասել չի կարելի. գուցէ և պէտք կլինի փող ծախսել։ Առաջարկում է հանել նախահաշուից այդ 100 ոուրլին, քանի որ դրա դիմաց ծախս չի նշանակուած։

Պ. Սոլովեանը գտնում է, որ այդ գրական երեկոյթները պէտք է կազմեն մեր Ընկերութեան գործունէութեան ուղն ու ծուծը։ Որպէս զի դրանք ցանկալի հետեւանքներ ունենան, անհրաժեշտ է կանխօրէն լաւ խորհել և ըստ այնմ ծրագիր կազմել։ Առաջարկում է ձիշտ որոշել, թէ ովքեր կարող են ձրի մուտք ունենալ. ցանկալի է, որ միայն անդամները ձրի մուտք ունենան։

Շատ կարծիքներ են յայտնուում երեկոյթների մասին, ոմանք գտնում են, որ երեկոյթներից նշանակուած 100 ոուրլին քիչ է։

Պ. Արտպետը առաջարկում է խուսափել ամեն մի ձրի բանից։ Վճարել լրագրներին յայտարարութիւնների համար և դասախոսներին, որով և իրաւունք կունենանք մուտք պահանջելու։

Պ. Լէօն գտնում է, որ այդ երեկոյթների վրայ պէտք է նայել այն

տեսակէտից, որ հայ զբողը կունենայ մի ժամադրավայր և անցկացնի հաձելի մի քանի ժամեր: Այդպիսով ուրեմն անդամների հետ պէտք է լինեն նաև նրանց ընտանիքները: Երեկոյթները շահադիտական բնոյթ չպէտք է ունենան. Ընկերութիւնը նոյնիսկ նրանց համար փող պէտք է ծախսի. առաջարկում է դրա համար մի գումար դնել Վարչութեան տրամադրութեան տակ: Պ. Լէօն համաձայն է նոյնպէս դասախոսներին վարձատրելու սկզբունքին, թէկուզ համեստ չափերով:

Պ. Արշակ Դապարեանն աւելորդ է համարում երեկոյթների մանրամասնութիւններով զբաղուել. առաջարկում է սկզբունքով ընդունել երեկոյթների ծախսը և մանրամասնութիւնները թողնել Վարչութեանը:

Պ. Աշոտ Աթանասիանը տեղեկութիւններ է տալիս Թիֆլիսի հասարակական ժողովարանում ընտրուած կարգերի մասին, յայտնելով, որ այնտեղ անդամները վճարելով տարեկան վճարից 1 ռուբլի աւել, իրաւունք են ունենում իրենց հետ տանել իրանց ընտանիքից նաև երկու հոգի, ուսանողների համար սահմանուած է 25 կ. մուտքի վճար:

Պ. Աթանասիանը յանձնարարելով այդ տեղեկութիւնները ժողովի ուշադրութեանը, իր կողմից առաջարկում է երեկոյթները բաժանել երկու կարգի. մէկը նեղ, ընտանեկան բնոյթով, ուր գան Ընկերութեան անդամները միան, իսկ երկրորդն աւելի հանդիսաւոր, որը կը զրուի ընդարձակ դահլիճներում և ուր որ և է զբոյց ու վիճարանութիւն չի լինի:

Պ. Մարգարը յայտնում է, որ վազուայ իրականութիւնը կարող է ի չիք հանել մեր այժմեայ բոլոր ծրագիրները: Առաջարկում է տալ մի քանի երեկոյթներ և ապա նոր դրա համեմատ ծրագիր կազմել: Բողոքում է նոյնպէս նախահաշիւն այդ ձեռող քննելու դէմ: Նրա կարծիքով պէտք է կազմել առ այժմ ժամանակաւոր նախահաշիւ:

Պ. Գ. Իփէկեանը առաջարկում է տալ երեկոյթներին, դասախոսութիւններին հասարակական բնոյթ, որ նրանցից օգտառողները, որչափ կարելի է շատ լինեն:

Պ. Նախագահը, ի նկատի ունենալով պ. Մարգարի առաջարկը, հարցնում է. շարունակել սկսուած ձեռվ նախահաշուի քննութիւնը, թէ ոչ: Ժողովը որոշելով շարունակել քննութիւնն սկսուած ձեռվ, քուէարկութեամբ ընդունում է, որ երեկոյթների մանրամասնութիւնը մշակէ Վարչութիւնը և զեկուցէ հետեւալ ժողովին:

Յ-րդ կէտ—ներկայացումներից, զբոսնքներից ստացուելիք 500 ռ. առիթով պ. Ալիխանեանը յայտնում է, որ զբոսնքները թէ նիւթապէս և թէ բարոյապէս միայն բացասական արդինք են տալիս, մանաւանդ վերջին ժամանակներս և առաջարկում է զուրս ձգել զբոսնք բառը: Շատերը միանում են այդ կարծիքին:

Պ. Թումանիանը բացատրում է, որ զբոսնքը կանոնադրութեան այն կէտերից մէկն է, որ ընդմիշտ պէտք է անգործադրելի մնայ: Հասկանալի

է, որ Գրական Ընկերութիւնը զբօսանք կազմակերպելու տրամադրութիւն չպէտք է ունենայ:

Պ. Աղաբարն առաջարկում է այլ Ընկերութեան նման ունենալ տարեկան մէկ օր: Որը կլինի նրա տօնը՝ երեկոյթների կամ ներկայացումների համար:

Ի վերջոյ որոշում է զբօսանք բառի տեղ դնել համերգ և 500 ռուբլին թողնել նոյնութեամբ:

4-րդ կէտ—նուիրատութիւն. նուիրատութիւնից ստանալիք 5000 ռ. տեղ Գրիգոր Վարդանեանը առաջարկում է 3000 րուբլի նշանակել:

Պ. Թումանիանը առաջարկում է ամենից առաջ ընդունել իբրև սկզբառունք որ Ընկերութիւնը ոչ մի դիմում չանի նուէր ստանալու, ինչպէս և տոմսակ ծախելու (բուռն ծափեր). վերջապէս թող լինի մեր մէջ մի ընկերութիւն, որը կարողանայ գործել առանց դիմումներ անելու:

Պ. պ. Երզնկեան և Մարգար առաջարկում են մտցնել նախահաշուի մէջ միայն ստացուած 1600 ռ. պ. Մարգարն առարկում է նոյնպէս այսուհետև ստացուածը թողնել յաջորդ տարուան նախահաշուին:

Պ. Լէօն զարմանում է, որ դիմում չանելու որոշում են կայացնում և միենոյն ժամանակ նախահաշուի մէջ մտնելիք 5000 ռուբլիով Ընկերութիւնը հրապարակ է եկել մի գործ կատարելու և դրա համար նա յաճախ ստիպւած կլինի դիմումներ անելու. հէնց դիցուք այնպիսի մի դէպում, երբ մեր ընկերներից մէկը կատարակի հիւանդութեամբ և հարկաւոր կլինի նրան անմիջական օգնութիւն ցոյց տալ: 5000 գտնում է շատ:

Պ. Աշոտ Աթանասիանը համաձայնում է, որ յատուկ դիմում չինի հարուստներին. 5000 շատ չի գտնում Ընկերութեան առաջին տարուայ համար:

Պ. Թումանիանը բացատրում է, որ եղած նուէրները ստացուել են միանգամայն ինքնարերաբար:

Պ. Մելիքեանը 1000 ռ. նուիրելիս ասել է, եթէ Ընկերութիւնը դիմում անէր կատորագրէի 100 ռուբլի. իսկ երբ դիմում չի լինում տալիս ևմ 1000 ռուբլի:

Պ. Ցովհաննէս Թումանիանը յայտնում է, որ Ընկերութիւնը ոչ թէ միայն նիւթապէս պէտք է բարձրացնել, այլ և բարոյապէս: Գլխաւորը նա գտնում է, որ պէտք է այնպէս անել որ Ընկերութիւնը սիրուի և այդպէս նրան մօտենան նուէրներ առաջարկեն:

Պ. Երզնկեանը տարբերութիւն է դնում մասնաւոր մարգկանց դիմելու և հասարակութեանը կոչ անելու մէջ: Առաջինը Ընկերութիւնը չպէտք է զործադրի, իսկ երկրորդը, ինչպէս կանոնադրութեան մէջ էլ կայ, կարող է տեղի ունենալ:

Պ. Արշակ Ցարութիւնեանը, որպէս Վարչութեան անդամ, յայտնում է որ պ. Ցովհաննէս Թումանիանի յայտարարածը դիմում չանելու մասին Վարչութեան որոշում չէ, ալլ ընդհանուր տրամադրութիւն. առաջարկում է այդ յայտարարածը պաշտօնապէս ընդունել Ընդհանուր ժողովի կողմից:

Պ. Սոլովեանն առաջարկում է զարկ տալ ինքնօգնութեան զաղափարին, մասնաւոր դիմումների փոխարէն:

Նախագահը քուէարկութեան է դնում նախահաշուի 5000 ռ. նոյնութեամբ թողնելու, նրան 3000 ռ. 1600 ռ. 1000 սուբլու իջեցնելու և ամբողջապէս դուրս ձգելու առաջարկները: Ոչ մէկը բացարձակ մեծամասնութիւն չի ստանում: Կրկին քուէարկութիւնից յետոյ համեմատական մեծամասնութեամբ ընդունում է նախահաշուի մէջ մացնելիք 5000 բուբլի փոխարէն 3000:

Դիմում չանելու պ. Թումանեանի առաջարկը քուէարկութիւն դնելուց առաջ պ. Մարգարը գտնում է, որ չպէտք է դիմում չանելու բացարձակ ուսուցում կայացնել, այլ պէտք է դիմում անել միայն, յօբելեանների և այլ կարիքների դէպքում:

Պ. Թումանեանի առաջարկութիւնը քուէարկում է և 23 ձայնով անցնում է ոչ մի անհատական դիմում չանել և ընդունում է բուռն ծափերով: 5 կէտ—100 ռ. տոկոսները իջեցնում է 25 բուբլու:

Ուշ լինելու պահանոով, ժողովի զբաղմունքները ընդհատում են, շարունակութիւնը նշանակելով յաջորդ կիրակի:

Վերջում ժողովը ընտրում է Վերաստուգիչ Մասնաժողովի 3 անդամներ և 2 փոխանդամներ: Առաջարկուած թիկնածուներից բացարձակ ձայնաւութեամբ ընտրում են Մադաթ Պետրոսեան, Յակոբ Յակոբեան և Յակոբ Աղաբարեան. անձնափոխանորդներ—Երզնկեան Մարգիս սարկաւագ և Արովեան Անուշաւան:

Ժողովի վերջում պ. Յովհաննէս Թումանեանը յայտարարում է, որ եկող կիրակի Ընկերութեան երեկոյթների բացումն է:

Նիստը փակում է 11^{1/4} ժամին տեկելով 3^{1/4} ժամ:

Նախագահ իս. Յարութիւնեան

ՅՅՅՅՅՅ

V
Արձանագրութիւն կովկ. Հայ Գրողների Ընկերութեան Բ. Ընդհանուր (Դ. Նիստ) ժողովի շարունակութեան.

1912 թ. 9-ն դեկտ.

Ժողովին նախագահում է պ. Իսահակ Յարութիւնեան: Քարտուղարը կարգում է նախկին ժողովի արձանագրութիւնը, որը չնչին փոփոխութիւններից յետոյ վաւերացում է Ընդհանուր ժողովի կողմից: Այսուհետեւ քարտուղար Գուլոյեանի հրաժարուելու պատճառով ժողովն անցնում է նոր քարտուղարի ընտրութեան. միաձայն ընտրում է Մարգիս սարկ. Երզնկեան: Ապա ժողովն անցնում է նոր անդամների ընտրութեան և գաղտնի քուէարկութեամբ անցնում են հետեւեալ անձինք՝ 1. Շաթիրեան Ա. (22 սպ. 5 սկ.). 2. Բարուրեան Գ. (21 սպ. 5 սկ. 1 ձեռն.). 3. Լազարեան Յով. (24—3). 4. Յարութիւնեան Ա. (24—3). 5. Տէլ-Գրիգորեան Զալալ (26—1). 6. Տէլ-Գրիգորեան Ա. (24—3) և 7. օր. Տիգրանեան Արմ. (25—2):

Վերոյիշեալ անձանց քուէարկութիւնը կատարելուց յետոյ նախագահը կարգում է ժողովի զբաղմունքների հետեւեալ օրակարգը.

Ա. Ընտրութիւն նոր անդամների,

Բ. Ֆօնդ Արասխանեանի յիշատակին,

Գ. նախահաշուի քննութիւն

և Դ. ընթացիկ հարցեր, որից յետոյ առաջարկում է յոտնկոյս յարգելնորոգ հանգուցեալ Ա. Արասխանեանի յիշատակը: Ժողովականները ոտքի են կանգնում: Ապա Վարչութեան նախագահ Յովին. Թումանեանը մի համառօտ ակնարկ ձգելով հանգուցեալ Արասխանեանի կեանքի ու զրական գործունէութեան վրայ, յիշելով կրկին, որ Արասխանեանը այն տնտեսագէտն էր, որ զիտութիւնների հայրենիքին—Եւրոպային—տուեց այնպիսի մի գործ, որով իր վրայ հրատիրեց Եւրոպական գիտնականների ուշադրութիւնը, որ Արասխանեանը հայրենիք վերադառնալով ձեռնամուխ եղաւ մեր իրականութեան մէջ այնպիսի մի հրատարակութեան, որպիսին «Մուրճ» էր, որ հանգուցեալը տեսում է նա—կովկ. Հայ Գրողների Ընկերութեան վարչութիւնը, իր գործունէութեան առաջին շրջանում, այն ժամանակ երբ նա, Արասխանեանը, գերեզման է իջնում առաջարկում է Ընդհանուր ժողովիդ, Ընկերութեան միջոցներից երկու հարիւր (200) սուբլի յատկացնել Արասխանեանի ֆօնդի համար, որի վրայ աւելացնելով նաև այդ նպատակով ստացուելիք նուիրաբերութիւններով հրատարակել այդ գումարներով Արասխանեանի յիշատակին մի գեղեցիկ ժողովածու:

Պ. Թումանեանի այս բացատրութիւններից յետոյ ժողովականներից պ. Լեօն գտնում է, որ այդ 200 սուբլին շատ քիչ է, մանաւանդ որ Արասխանեանի աշխատութիւնների հրատարակութեան հարց կայ:

Աղբայեան Ն.—Հետաքրքրւում է իմանալ թէ ուսմ զրւածքների հրատա-
րակութեան համար է այդ ֆօնդը հիմնուելու:

Սքանասեան Ա.—Տալիս է մի քանի կարեոր բացատրութիւններ և
յայտնում է, որ երբ այդ հարցը վարչութեան մէջ գրուեց, մենք աչքի առաջ
ունէնք—ասում է նա—որ եթէ մեր կողմից նուիրենք 200 ոուրի և հա-
մոզուած լինելով նաև, որ այդ գումարի վրայ կաւելանայ և այլ նուիրաբե-
րութիւններ, որ կազմելով մի նկատելի գումար, հնարաւորութիւն կտայ մեղ
հրատարակել հանգուցեալ Արասխանեանի անտիպ աշխատութիւնները:

Դաշտայեան Ա.—Առաջարկում եմ Վարչութեան առաջարկը բաժանել
երկու մասի—նախ՝ թէ Ընդհանուր ժողովը ընդունում էր այդ առաջարկը
թէ ոչ և ապա եթէ կընդունի՝ այն ժամանակ խօսել միայն ֆօնդ հիմնելու
ձևի մասին:

Գենջեան Յ.—Այդպիսի ֆօնդ հիմնելը համարում եմ բոլորովին ա-
նօգուտ և աւելորդ ձեռնարկութիւն, որովհետեւ մենք դորանով կը հարս-
տացնենք միմիայն տպարանատէրերին և թթավաճառներին: Աչքի առաջ
ունենալով, որ մեր իրականութեան մէջ, շատ հեղինակներ կան, որոնք տը-
ւել են գեղեցիկ հրատարակութիւններ, բայց այդ հեղինակի հրատարակու-
թիւնները մնացել է միայն զրավաճառի մօտ դարսած, աչքի առաջ ունենա-
լով նաև, որ հանգուցեալ Արասխանեանը իրեկ գրականագէտ և հրապարա-
կախօս մեռաւ ծայր չքաւորութեան մէջ, առաջարկում եմ ֆօնդ հիմնել, սա-
կայն այդ գումարը գործադրել ոչ թէ ժողովածուի հրատարակութեան—այլ՝
այդ ֆօնդի գումարից ստացուած տոկոսը տալ ներկայումս էլ գոյութիւն ու-
նեցող Արասխանեաններին, որոնք գտնուում են ծայր չքաւորութեան մէջ:

Լ. Ե. — Ես ևս ժողովածուին հակառակ եմ:

Լ. Ե. Ա. — Ես համաձայն չեմ պ. Գենջեանի առաջարկութեան հետ և յար-
մար եմ գտնում նրա անտիպ աշխատութիւնները ի մի հաւաքել և հրա-
տարակել յատկապէս Արասխանեանի գործերը:

Զմէկեան Մ.—Այդ բոլորը շատ անգամ ենք լսել, միայն մի գործնական
միջոց, որ ես կառաջարեկի, այդ այն է, որ որքան կարելի է նրա կենսա-
գրութիւնը ամփոփ մի բրօշիրով հրատարակել, որ մեր ապագայ սերունդ-
ները կարողանան ճանաչել թէ մի էր հանգուցեալ Արասխանեանը և ինչ
ծառայութիւն է մատուցել նա մեր մայրենի գրականութեան: Ապա այդ
կենսագրականի վաճառումից առաջացած գումարի տոկոսները միայն յատ-
կացնել Գենջեանի մատնանշած ինչն Արասխանեաններին:

Լ. Ե. — Նախ, պարոններ, պէտք է ասեմ, որ այդ հրատարակութիւնը ինչ-
պիսին էլ նա լինի, ոչ մի օգուտ չի տալ և բացի գորանից կովկ. Հայ Գրող-
ների Ընկերութիւնը հրատարակչական ընկերութիւն չէ և մեր կանոնագրու-
թիւնը այդ թոյլ չի տալիս: Այդ կարող է անել այլ հիմնարկութիւն, օր. Հրա-
տարակչականը՝ բայց մեր հնարաւորութիւնից դա միանգամայն վեր է:
Գրողների Ընկերութիւնը եթէ ցանկանում է յաւերժացնել Արասխանեանի
յիշատակը, թոյլ մի ստեղծենդիա նշանակէ մի չքաւոր հայ գրողի համար,

բայց ոչ երբէք մի հրատարակութեան ձեռնամուխ լինի, որը ոչ կանոնա-
դրութեամբ իրաւունք ունի և ոչ էլ նրա ժամանակն է ներում:

Մարգար.—Եթէ այստեղ խօսք լինէր նրա ընտանիքի կամ աղջկայ մա-
սին, գուցէ համաձայն լինէի պ. Գենջեանի առաջարկութեան հետ, սակայն
այստեղ այդպիսի հարց գոյութիւն չունի: Պէտք է յաւերժացնել Արասխան-
եանի յիշատակը որևէ բանով. ես գտնում եմ, որ Գրողների Ընկերութեան
հէնց նպատակը պէտք է լինի գրական գործ: Իմ կարծիքով ամենագործնա-
կանը ժողովածուն է, որ կայ: Պէտք է անպայման հրատարակել մի ժողո-
վածու, որի նիւթի մեծամասնութիւնը կը կազմի Արասխանեանի գրուածք-
ներից և ճոխացրած հանգուցեալի պատկերներով: Ես գտնում եմ այդ ժո-
ղովածուի հրատարակութիւնը ամենակարեւը:

Յարութիւնեան (Զամալեան).—Վարչութիւնն աչքի առաջ է ուսեցիլ կազ-
մել մի այնպիսի ֆօնդ, որ զա չըմնայ մեռած տառ: Իմ կարծիքով ժողո-
վածուի միարը պէտք է բոլորովին փոխել, իսկ եթէ այդ անհրաժեշտ է, այն
ժամանակ ինկղրել Հրատարակչակ. Ընկերութեան, որ նա ձեռնամուխ լինի,
իսկ մենք ցոյց կը տանք մեր նիւթական ու բարոյական աջակցութիւնը: Ես
դէմ եմ նաև այդ ֆօնդով որ և է ստեպենդիա նշանակելուն: Եթէ դուք ցան-
կանում էք յաւերժացնել Արասխանեանի յիշատակը, այն ժամանակ, այդ
ֆօնդի տոկոսներից նշանակեցէք լաւագոյն հայ գրուածքների համար պրե-
միայ և դուք առիթ կունենաք ամենայն տարի Արասխանեանի անունը լսել
այստեղ: Ես առաջարկում եմ այդ գորով նշանակել զիտական կամ զեղար-
ւեստական Արասխանեանի պրեմիայ:

Թօւմանեան Յովին.—Ես ինչպէս տեսնում եմ Ընդհանուր ժողովը հա-
մաձայն է Արասխանեանի անուամբ ֆօնդ հիմնելուն, միայն ժողովականնե-
րը գործադրութեան տարբեր ձեւեր են առաջարկում: Եթէ մենք համաձայն
ենք ֆօնդի մաքին, այն ժամանակ, պէտք է նախ և առաջ հաշիւ տանք մեզ,
թէ մի էր Արասխանեանը, իսկ այդ հասարաւոր է միայն ժողովածուի հրա-
տարակութեամբ: Երբ մենք կը հրատարակենք ժողովածուն, որոշ ժամանա-
կից յետոյ չէ որ յետ կը գայ գործադրութ գումարը և այն ժամանակ գար-
ձեալ ձեզնից՝ Ընդհանուր ժողովից է կախուած այսպէս կամ այնպէս գործա-
դրել այդ գումարը: Գիրքը մենք որ տպում ենք, շատ սիալ է, որ մենք
փողը ջուրն ենք ածում կամ կրցնում: Մեր իրականութեան մէջ այսպէս
թէ այնպէս զիրքը ծախւում է: Մեր Ընկերութիւնը եթէ զնի այդ նպատա-
կի համար 200 ոուրի, համոզուած պէտք է լինէք, որ զրայի էլ կը գայ առ-
նուագն մի 500 ոուրի: ուրեմն մենք կունենանք 700 կամ ենթաղրենք 1000
ոուրի: Այդ 1000 ոուրին տարեկան պէտք է տայ ձեզ ամենաշատը 45—50
ոուրին տոկոս, որով դուք երբէք հնարաւորութիւն չէք ունենալ ապահովել
կենդանի մնացած Արասխանեաններին: Այստեղ առաջարկութիւններ են լի-
նում գիմելու նաև Հրատարակչական Ընկերութեանը, որ նա նախաձեռնող
լինի այդ ժողովածուի հրատարակութեան, իմ կարծիքով այդ էլ մի մեծ
սխալ է, քանի որ մեր կանոնագրութիւնն էլ այդ իրաւունքը տալիս է մեզ:
Լ. Ե. — Խնդրում եմ կարդալ կանոնագրութեան այդ կէտը:

Նախագահը կարդում է կանոնադրութեան Յ-րդ յօդուածը:
Ճողորշեան Յ. Քահ. — Ես Վարչութեան նախագահի առաջարկը չեմ ընդունում, չեմ ընդունում այն պարզ պատճառով, որովհետեւ սա Հրատարակչական Ընկերութիւն չէ: Գէնչեանի ասածները միանգամայն ճիշտ են: Դուք ուզում էք անշնչացած դիակին պատուած լինէք, իսկ այն միւս գոյութիւն ունեցող Արասխանեանները, որ շալը փաթաթուած ման են գալիս չէք ուզում միջոցներ ձեռք առնել, որ նրանք էլ նրա օրին չը հասնեն: Նա գնաց, մենք պէտք է փրկենք կենդանի Արասխանեաններին, որոնք կեանքի մէջ տանջւած ու մաշուած ման են գալիս: Ոչ մի գրական ժողով չի կարող Արասխանեանին բարձրացնել, այդ անաշառ քննադատութեան և պատմութեան գործն է, որ ինչպէս Արասխանեանին, այնպէս էլ լէօին, Թումանեանին կը դնի ամենին էլ իրենց որոշ բարձրութեան վրայ: Ես առաջարկում եմ, որ եթէ Ընկերութիւնը միջոց ունի՝ թող օգնի չքաւորութեան մէջ գտնուող հայ գրականագէտներին:

Արանախան Ա. — Ինձ թւում է, որ խօսողները ծանօթ չեն կանոնադրութեան ոգուն, որ այդպիսի առաջարկութիւններ են անում, երէկ մենք ստացանք Ռուս Գրողների Ընկերութեան կանոնադրութիւնները և գործունէութեան մանրամասն տեղեկութիւններ, որից երեսում է, որ այդ ընկերութիւնը ոչ միայն իրաւունք ունի այս կամ այն կիրքը հրատարակելու, այլև՝ որոշ հեղինակներից նրանց հեղինակութիւնները գնելու, ինչպէս օր. Միխայլովսկու անուամբ ժողովածուները և այն... Գալով այն հարցին, որ այդ փողի տոկոսներով պէտք է նպաստել չքաւոր հայ գրողներին, այդ էլ ձեռնտու չէ, որովհետեւ դրանից կըստացուի մի չնչին գումար, որով հնարաւորութիւն չի լինի որևէ դրական գործ կատարել: Իմ կարծիքով, եթէ ժողովածու հրատարակենք, դրանից աւելի մեծ օգուտ կստանանք:

Լէօ. — Պ. նախագահը կարդաց կանոն. Ալ-րդ յօդուածը և ինչպէս տեսանք այստեղ անորոշ է ասուած: Ես գտնում եմ որ կանոնադրութեան այդ կէտի մասին դեռ կարիք կայ խօսելու և պարզաբանելու:

Սոլովեան Յ. — Այստեղ շարունակ խօսում ենք ինքնօգնութեան մասին, սակայն ինձ թւում է թէ մենք ինքնօգնութիւնը շատ նեղ ենք հասկանում: Գրողների Ընկերութիւնը պէտք է ինքնօգնութեան լայն խաւեր ստեղծի ժողովրդի համար և հս գտնում եմ, որ մեր Ընկերութիւնը եթէ ուզում է այդ նպատակին համել, պէտք է ձեռնամուխ լինի այդ հրատարակութեան, որպէս զի լայն կերպով ծանօթացնի մեր հասարակութեան՝ թէ ով էլ Արասխանեանը: Գալով այն հարցին թէ իրաւունք ունինք մենք հրատարակելու թէ ոչ, պէտք է ասեմ, որ ոչ միայն Ընկերութիւնը՝ այլ ամեն մարդ իրաւունք ունի հրատարակելու այս կամ այն գրուածքը:

Նախագահ. — Պարոնայք, այս հարցի շուրջը բաւականին խօսակցութիւն ունեցանք. Ես կը դնեմ քուէարկութեան, կամենում էք ելի շարունակել թէ սպառուած էք համարում հարցը:

Ժողովականները ցանկանում են նախ պարզել կանոնադրութեան այդ կէտը, ապա նոր միայն անցնել վիճաբանութիւնների շարունակութեան:

Լէօ. — Իմ կարծիքով, կովկասի Հայ Գրողների Ընկերութիւնը զուտ պրոֆեսիօնալ ընկերութիւն է և ոչ հրատարակչական: Կանոնադրութեանը գալով պէտք է ասեմ, որ այստեղ կան կէտեր, որ պարզ չեն: Կանոնադրութեան Ալ-րդ յօդուածի Ալ-րդ կէտում ասուած է. «Հրատարակում է իր բերան թերթը այս առարկայի համար ներգործող օրէնսդրութիւններով սահմանուած կանոնների պահպանութեամբ». այստեղից պարզ երևում է, որ այդ թերթը պէտք է լինի Ընկերութեան բերան օրգանը և ոչ այլ հրատարակութիւններ, ինչպէս շատերը ճգնում են ապացուցել: Գալով Ռուսական Գրողների Ընկերութեան և ի պատասխան պ. Աթանասիանի, պէտք է ասեմ, որ այդ Ընկերութիւնը իր կանոնադրութեան մէջ ունի և հրատարակչական բաժինը, իսկ մերը զուտ պրոֆեսիօնալ է և մենք չունենք այդ իրաւունքը: Մեր Ընկերութիւնը եթէ ուզում է այդպիսի մի գործ կատարել, կարող է նպաստ տալ Հրատարակչական Ընկերութեանը, եթէ միայն նա յանձն կառնի այդ, եթէ այսօր պէտք է Արասխանեանի յիշատակին ժողովածու հրատարակել, վաղը կը լինեն և այլ առիթներ նոյնանման հրատարակութիւններ շարունակելու: Բացի դորանից ես գէմ եմ նաև ցանկը փակելուն, պէտք է այս հարցը պարզաբանուի:

Աղբալեան Ն. — Ես առաջարկում եմ այս հարցը քննութիւնից հանել, որովհետեւ քննադատել կանոնադրութեան այս կամ այն կէտը կը նշանակէ իրաւաբանական մի գործ յանձն առնել, որ վեր է մեր կոմպետենցիայից: Ես կառաջարկեի թողնել այդ զուտ իրաւաբանականին վերաբերեալ ինդիրը և անցնել այն հարցին, թէ Վարչութիւնը կամ մենք իրաւունք ունենք 200 ըուբլի յատկացնելու փոնդին թէ ոչ: Ես համոզուած եմ, որ եթէ մենք շարունակենք այստեղ քննութեան առնել այնպիսի հարցեր, որ վեր է մեր ոյժերից՝ ապագայ ժողովներում մարդ չի գալ այստեղ: Առաջարկում եմ այդ թողնել Վարչութեանը տեղեկանալու, իսկ մենք անցնենք օրակարգի բուն հարցին: Ես առաջարկում եմ ընդհանուր ժողովին հիմնել այդ Փոնդը, 200 ըուբլի դնել այդ նպատակով, իսկ գործադրութիւնը թողնել ապագային:

Ղազարեան Ա. — Ես անհրաժեշտ եմ գտնում կանոնադրութեան այդ կէտի մասին խօսել, որպէսզի ամեն անգամ ստիպուած չըլինենք տանել մեր կանոնադրութիւնը իրաւաբանների ձեռքը տալ:

Գուլյեան. — Ես համամիտ եմ Աղբալեանի առաջարկութեանը:

Լիսիյեան Ա. — Պարոններ, եթէ մենք նայելու լինենք կանոնադրութեան Ալ-րդ յօդուածի ՎԻ-րդ պարզաբանութեան վերջին պարբերութեան կը տեսնենք, որ ուստեղն օրինակի մէջ պարզ ասուած է. «Օբъявлять конкурсы на научные, литературные и художественные произведения, „իսկ “объявлять, կը նշանակի издавать—հրատարակել. ուրեմն խօսք չի կարող լինել այստեղ իրաւաբանական հարցի շօշափման մասին, քանի որ ինքը կանոնադրութիւնը թոյլ է տալիս այդ»:

Յարութիւնեան Ա. — Մեր խօսքը միայն իրաւաբանական բացարձութիւնների մասին չէ, այլ նպատակայարմարութեան: Ինձ համար բոլորովին ցաւալի չէ, որ Կովկ. Հ. Բնկ. զբաղուէր հրատարակութիւն-

ների գործով, քանի որ մեր առաջ կայ մի այլ ընկերութիւն, որ զբաղւում է դորանով—դա Հրատարակչական ընկերութիւնն է: Թողէք նրան պարապել այդ գործով և մենք իզուր մեր ժամանակը չվատնենք: Գալով կանոնադր այդ կէտին, ես գտնում եմ, որ մենք կարող ենք և իրաւունք ունենք առհասարակ հրատարակութեամբ պարապելու:

Մարգար.—Ես զարմանում եմ, որ այդ հարցը բերիք կանոնադրութեան հետ կապեցիք: Կանոնադրութեան մէջ հրատարակութեան մասին ոչ մի կէտ չկայ: Վարչութիւնն առաջարկում է մի ժողովածու հրատարակել, իսկ այստեղ զարմանք են յայտնում թէ մենք իրաւունք չունենք, կանոնադ. մեզ թոյլ չետալիս, սա Հրատարակչական Ընկերութիւն չէ և այլն. բայց ասացէք, պարոններ, միթէ Ներսիսեան դպրանոցը կամ Կ. Յ. Բ. Ընկ. հրատարակչական ընկերութիւններ են, թէ նրանց կանոնադրութիւններն է թերագրում, որ իրանց պատմութիւնները հրատարակեցին: Այստեղ միայն նըպատակայարմարութեան տիսակէտ կայ և աւելորդ է կապել կանոնադրութեան հետ:

Տէր-Գրիգորեան Ա.—Ես տեսնում եմ, որ այստեղ երկու հարց իրար հետ խառնում են: Առաջին՝ իրաւունք ունենք թէ ոչ և երկրորդ՝ գործադրութեան հարցը: Թալով առաջին և ամենակարևոր հարցին, պէտք է ասեմ, որ օրէնքի տիսակէտից ոչ մի արգելք չկայ և ընկերութիւններն էլ կարող են կատարել այն բոլոր գործերը ինչ որ հեղինակը:

Զմէկեան Մ.—Ենթադրենք թէ Հրատարակչական Ընկերութիւնը չի ուզում հրատարակել, ովք պէտք է հրատարակէ, էլի մենք չպէտք է հրատարակենք:

Լալայեան Ե.—Պարոններ, Հրատարակչական ընկ. դիմելն էլ Վարչութեան մէջ խօսուել է, սակայն ընդհանուր ժողովում չի գրուել, որպէսզի թիւրիմացութիւններ առաջ չգան: Իսկ իմ կարծիքով այս ընկերութեան մէջ տարբեր տեսակի և տարբեր ուղղութեան գրողներ միարանել են փոխադարձարար միմեանց օգնելու, հետևապէս և այս ընկերութեան զործունէութեան զլխաւոր կէտը փոխադարձ օգնութիւնը պիտի լինի, և ոչ հրատարակութիւնները, որոնց վերաբերմամբ չի կարող համաձայնութիւն կայանալ տարբեր տեսակի և մասաւանդ տարբեր ուղղութեան զրողների միջն. ուստի և ես ևս գտնում եմ, որ պէտք է թողնել հրատարակութիւնների միտքը:

Թումանեան Ցոլ.—Պարոններ, զուք պէտք է աչքի առաջ ունենաք, որ պ. Տէր-Գրիգորեանը իրաւարան է և որպէս այզպիսին նրա բացարութիւնները իրաւարանական, որ իմ կարծիքով պէտք է վերջ տայ այս վիճաբանութեան: Ես միանգա՞յան ինձ բաւարարուած եմ գտնում:

Վարդապարեան.—Այստեղ Վարչութիւնը մի առաջարկ է բերել ընդհանուր ժողով և ես զարմանում եմ, որ Վարչութեան անդամներ՝ պարոնայք էօն, Յարութիւննեանը, Լալայեանը տարբեր կարծիքներ են յայտնում, այդ նշանակում է, որ հարցը, նոյնիսկ Վարչութեան մէջ լաւ չէ մշակուել:

Սոլովեան Ց.—Օրգանը ոչ միայն պէտք է պրօֆեսիոնալ լինի, այլ և

գեղարուեստական, որովհետև կանոնադրութիւնն էլ թոյլ է տալիս այդ:

Դազարեան Գ.—Պարոննայք, ես չեմ ժխտում, որ մենք իրաւունք ունենք հրատարակելու, սակայն գտնում եմ, որ մեր ժամանակը շատ սուղ է դորանով զբաղուելու, ուստի առաջարկում եմ խուսափել ժողովածուի հրատարակութիւնից և առաջարկել կով. Հ. Հրատ. Ընկերութեան, որ նա յանձն առնի այդ հրատարակութիւնը:

Թէիմենեան.—Ես անհատապէս գտնելով, որ գրողներու ընկ. իրաւունք ունի հրատարակութեան, կառաջարկէի վերաբնութեան ենթարկել կանոնադրութիւնը, խուսափելու համար ապագայ թիւրիմացութիւններից:

Թումանեան Ց.—Յիշեցէք, պարոններ, որ անցեալ անգամ խօսք եղաւ թէ դասախոսութիւնները առանձին հրատարակելու իրաւունք ունենք, ինչու չպիտի ունենանք ժողովածու հրատարակելու իրաւունքը: Պ. Նախագահը գտնելով հարցը բաւականին ծծուած, քուէարկութեան է դնում նախայն հարցը, թէ ընկերութիւնն իրաւունք ունի հրատարակել որևէ կրուածք: Այս առաջարկութիւնն անցնում է 30 ձայնով ընդդէմ 4-ի:

Այսուհետեւ պ. նախագահը քուէարկութեան է դնում Վարչութեան առաջարկը, որ ստանում է 19 ձայն ընդդէմ 6-ի¹⁾:

Երկրորդ բանաձեւը, որ առաջարկում է պ. Աղբալեանը, հետեւալն է, «Զեռք բերել Աւ. Արամիսանեանի հեղինակութիւնների իրաւունքը: Տպագրել այդ հեղինակութիւնները: Դրամը յետ գառնալուց յետոյ, նրա տոկոսները յատկացնել իրեւ մրցանակ լաւագոյն տնտեսական հետազոտութեան համար՝ հայ կեանքի մասին»: Այս բանաձեւը քուէարկուում է և ստանում է 13 ձայն ընդդէմ 8-ի:

Երրորդ բանաձեւը, որ առաջարկում է պ. Ա. Յարութիւննեանը (Զամաւրան) հետեւալն է՝ «Ժողովը լսելով վարչութեան առաջարկը յաւերժացնելու Արամիսանեանի յիշատակը որոշեց. ա) ի նկատի ունենալով, որ Արամիսանեանի գրական հասարակական նկարագիրը յայտնի չէ հասարակութեան ընդարձակ շրջաններին, ինդրել Հրատարակչական Ընկերութեանը հրատարակել Արամիսանեանի կենսագրութիւնը և նրա գրական հասարակական գործունէութեան մասին մի ուսումնական իրաւունքի մասին աշակեցներան: բ) Կազմել Արամիսանեանի անուան մի ֆոնդ յատկացնելով դրա համար ընկերութեան միջոցներից 200 բուրլի, որի տոկոսները կազմելու են տարեկան պերմիայ, հայերէն լեզուով լաւագոյն տնտեսագիտական աշխատութեան համար»: Այս բանաձեւն ստանում է 16 ձայն ընդդէմ 7-ի:

Չորրորդ բանաձեւը, որ առաջարկում է պ. Զմէկեանը հետեւալն է՝ «Աչքի առաջ ունենալով, որ անհրաժեշտ է Արամիսանեանին ծանօթացնել հասարակութեան լայն խաւերին, իսկ զա հարաւոր է նրա կենսագրութեան միջոցով, առաջարկում եմ հրատարակել նրա կենսագրութիւնը պատկերով հանդերձ, որով թէ նրա յիշատակը յաւերժացը կը լինենք և թէ այդ պա-

¹⁾) Այս և հետեւալ բանաձեւների քուէարկութեան ժամանակ ժողովին ներկայ են միայն 25 հոգի: Ծան. Քարտուղարի:

հանջին բաւարարութիւն տուած»: Այս առաջարկը ստանում է 11 ձայն ընդդէմ 12-ի: Քուէարկութեան հետևանքը պ. Նախագահը ժողովականներին ծանօթացնելուց յետոյ, յայտնում է, որ առաջարկուած բանաձեռից ոչ մէկը ձայների բացարձակ մեծամասնութիւն չի ստացել: Միայն Վարչութեան առաջարկը պէտք է համարել ընդունուած, իբրև ամենից շատ ձայն ստացողը: Վարչութեան բանաձեռը անցած է համարուում:

Յայտարարուում է 10 բոպէ ընդմիջում:

Ընդմիջումից յետոյ պ. Յով. Թումանեանը, նախ քան Գրական Ընկ. կանոնադրութեան ընթերցումը ծանօթացնում է Ռուս. զրողների ընկ. ուղարկած գրութեան հետ, որ Ռուս գր. Ընկ. ստանալով Հ. Գր. Ընկ. դիմումը, որով վերջինս յայտնելով, որ Թիֆլիզում բացուած է արդէն կովկ. Հ. Գր. Ընկերութիւն, խնդրում է տեղեկութիւն տալ իր գործունէութեան մասին: Ընդհանուր ժողովի ցանկութեամբ կարդացում է այդ գրութիւնը, որով Ռուս Գրողների Ընկերութիւնը, ողջունելով Հայ Գրող. Ընկերութեան երեան գալը ցանկանում է նրան յարատեութիւն և բարգաւաճումն: Ժողովը ծափահարութեամբ է ընդունում այդ գրութիւնը: Պ. Ն. Աղբալեանը, առաջարկում է ընդհանուր ժողովի անունից շնորհակալութիւն յայտնել Ռուս Գրողների Ընկերութեան Վարչութեանը իր ուշադրութեան առթիւ:

Ապա Վարչութեան կողմից պ. Աթանասիանը կարդում է նախ՝ Փոնդի կանոնադրութեան նախարանը և ապա անցնում է մշակած կանոնադրութեան ընթերցման, որից յետոյ խօսք են խնդրում հետևեալ անձինք.

Յարութիւնեան Ս. (Զամալէան), — Աչքի առաջ ունենալով ժամանակի սղութիւնը ևս կառաջարկէի նախ՝ կանոնադրութեան մասին անել ընդհանուր դիտողութիւններ և կամ ընտրել մի մասնաժողով, որ այդ մասնաժողովը քննի այդ կանոնադրութիւնը և ապա ներկայացնի Ընդ. Ժողովին:

Մալխատեան Յովհ. — Ես ևս համաձայն եմ յաջորդ ժողովին քննութեան առնել կանոնադրութեան հարցը. այժմս ժամանակ չկայ:

Լիսիցեան Ս. — Ես դէմ եմ մասնաժողով ընտրելուն: Ես կարծում եմ, որ այդ կանոնադրութիւնը ընդորինակուած պէտք է լինի սուսական օրինակից, ուստի առաջարկում եմ ընդունել այդ կանոնադրութիւնը և մի տարուայ գործունէութիւնից յետոյ քննութեան առնենք և հաստատենք:

Մինասեան բժ. — Ես ևս գտնում եմ, որ այժմ մենք հնարաւորութիւն չունենք քննութեան առնել այդ կանոնադրութիւնը: Ես կառաջարկէի տըպագրել այդ կանոնադրութիւնը, բաժանել բոլոր անդամներին, որպէսզի հնարաւորութիւն ունենանք իւրաքանչիւր կէտի մասին լուրջ մտածել և ապա այստեղ կարծիք յայտնենք:

Արանասեան Ս. — Նախ՝ պէտք է պատասխանեմ պ. Լիսիցեանին, որ մենք ճիշտ է թէկ աչքի առաջ ենք ունեցել Ռուսական կանոնադր., սակայն ամբողջովին չենք օգտուել նրանից, որովհետեւ Ռուս զրողները բոլորովին այլ պայմանների մէջ են գտնւում, իսկ մերը՝ այլ: Ես ևս կառաջարկէի ընտրել մի մասնաժողով, կարելի է և տպագրել ու ցրել մեր անդամներին:

Պ. Նախագահը առաջարկութիւնները զնում է քուէարկութեան: Այս

բանաձեռ թէ ընտրել մի մասնաժողով, որ Վարչութեան հետ միասին քըննեն կանոնադրութիւնը և ապա ներկայացնեն ընդհանուր ժողովին, նախօրոք տպագրելով առանձին կամ մամուլում, այս բանաձեռն անցնում է միաձայն:

Այսուհետեւ մասնաժողովի անդամների ընտրութեան հարցն է առաջ գալիս. ոմանք առաջարկում են մասնաժողովի անդամները ընտրել Յ հոգուց, ոմանք՝ 5, ոմանք՝ էլ՝ 7: Այս առաջարկութիւնները ևս պ. Նախագահը քուէարկութեան է դնում: Անցնում է 7 հոգուց մասնաժողով ընտրելու առաջարկը: Ապա պ. Նախագահն առաջարկում է տալ մասնաժողովի անդամների անունները, սակայն ժողովին ներկայ եղողներից ում անունն էլ որ տալիս են՝ բոլորն էլ հրաժարաւում են, ուստի մասնաժողովի հարցն էլ մընում է յաջորդ ժողովին:

Ժամը 12 ին ժողովը փակուած է յայտարարուում:

Նախագահ ընդհ. ժողովի՝ Խ. Յարութիւնեան

Քարտուղար՝ Ս. Ա. Երզնկեան

○○○○○

VI.

Հայ գրողների ընկերութեան երկրորդ ընդհանուր ժողովի շարունակութիւնը

1912 թ. դեկտեմբերի 23-ին

Ժողովը կայանում է 22 անդամների ներկայութեամբ. Նախագահ է ընտրուում պ. Նիկողայոս Աղբալեանը, քարտուղար՝ Ա. Գուլօհան:

Կարդացում և քիչ փոփոխութիւններով հաստատուում է նախկին ժողովի արձանագրութիւնը:

Պ. Նախագահը կարգում է օրակարգի հարցերը.

ա) քննութիւն գրական ֆօնդի

բ) քննութիւն և հաստատութիւն 1913 թուի նախահաշուրի.

գ) ընտրութիւն նոր անդամների.

Պ. Նախագահը տեղեկացնում է, որ անցեալ ժողովի որոշումը՝ ընտրել մասնաժողով քննութիւն գրական ֆօնդի կանոնադրութիւնը իրագործուած չէ և հարցնում է ժողովի կարծիքն այդ մասին: Շատերը կարծիք են յայտնում. Նախագահը առաջարկում է անփոփոխ թողնել անցնեալ ժողովի որոշումը՝ այն է ընտրել մասնաժողով և տպագրել ու տարածել անդամների մէջ գրական ֆօնդի հրահանգը, ժողովը նախ քուէարկութեամբ որոշում է անփոփոխ.

թողնել անցեալ ժողովի որոշումը. ապա ընտրում է մասնաժողով՝ բաղկացած հետևեալ անձերից

1. պ. Տիւղարեան
2. պ. Ռ. Խանազատեան
3. պ. Գր. Վարդանեան
4. պ. Փ. Վարդաղարեան
5. պ. Գ. Ղազարեան
6. պ. Վալաղեան
7. պ. Յ. Ալիխանեան

Այս հարցի սպառումից յետոյ, ժողովը նախահաշիւն առանց ֆօնդի հրահանգի քննութեան աւարտած լինիլու՝ քննել չը կարողանալով, յետաձըգում է նրան: Այսուհետեւ նախագահը կարգում է վարչութեան նախադահ՝ Յովհաննէս Թումանեանի նամակը, որը հիւանդութեան պատճառով ժողովին գալ չկարողանալով, յանձնարարում էր ընտրել Ընկերութեան անդամ մի շարք գրականագէտների, որոնց հետ միասին կարգում են նաև մի քանի այլ անդամագրուել ցանկացողների անուններ: Սրանցից մի քանիսի վերաբերմամբ տրում են տեղեկութիւններ: Տուփեր չլինելու պատճառով, քուէարկութիւնը կատարում է թերթիկներով: Ընտրուեցին հետևեալ անձինք. քուէարկութեան մասնակցում են 22 հոգի:

1. Փ. Վարդանեան	22 ձայնով
2. Գր. Զալխուշեան	22 »
3. Բժ. Բուգուղեան	22 »
4. Նիկ. Աղոնց	22 »
Վ 5. Amiko (Օհ. Մարութեան)	19 »
6. Յար. Թումանեան	18 »
7. Աշերօն (Յովհաննէս Միրզոյեան)	17 » «գիւղատնական»
8. Գարեգին Գարդիշեան	19 »
9. Սահակ Թորոսեան	22 »
10. Մկրտիչ Բարխուղարեան	22 »
11. Ապրիլեան Յուսիկ քահանայ	17 »
12. Տէր-Դանիկեան Միսաք	21 »
13. Երուանդ Շահաղիկ	22 »

Ժողովի վերջում ցանկութիւն յայտնուեց, որ այսուհետեւ վարչութիւնը ընդհանուր ժողով հրաւիրելիս լրացրներում այդ մասին մի անդամ յայտարարէ և գրա հետ միասին անդամներին դատագատ հրաւիրներ ուղարկէ:

Ժողովը փակուեց ժամը 2 ին:

Հոդինանուր ժողովի նախագահ՝ Ն Աղբակեանց

VII.

Հայ-գրողների Կովկասեան Ընկերութեան 1913 թ.
Ա. Ընդհանուր ժողովի արձանագրութիւնը

1913 թուի մարտի 2-ին տեղի ունեցաւ (քաղաքային Դումայի դահլիճում) Հ. Գ. Բնկ. Ընդհանուր ժողովը՝ մասնակցութեամբ սկզբում՝ 23 և ապա 32 անդամի և նախագահութեամբ պ. Նիկ. Աղբակեանի:

Ժողովի օրակարգն էր.

- 1) Նոր անդամների ընտրութիւն:
- 2) Գրական ֆօնդի կանոնագրութեան նախագիծ:
- 3) Նախահաշուի հաստատութիւն:
- 4) Ընթացիկ հարցեր:
1. Ընկերութեան անդամագրուելու ցանկութիւն ենյայտնել հետևեալ անձինք, որոնց անունները և դրուեցին քուէարկութեան.

1. Ստեփան Տէր-Աւետիքեան ստացաւ 21 սպ. 2 սկ

2. Շիրինեան կարապետ 19 » 4 »

3. Ակունեան Յովհաննէս 22 » 1 »

4. Փիրումեան Տիգրան 20 » 3 »

5. Այվազեան Բագրատ 21 » 2 »

6. Զանեան Ա. 18 » 5 »

7. Միրաքեան Վահան 22 » 1 »

8. Խանլարեան Յակոբ 21 » 2 »

9. Ղազարեան Անուշաւան 20 » 3 »

10. Այվազեան Յակոբ 20 » 3 »

11. Ֆրանգեան Երւանդ 22 » 1 »

12. Թաղէսոսեան Թաղէսոս 21 » 2 »

13. Տէր-Մարգսեան-Պարզեան Ալ 17 » 6 »

14. Մկրտումեան Գէորգ քահ. 20 » 3 »

15. Դանիկլբէկեան Սօֆիա 20 » 3 »

16. Տէր-Յովհանեան Արշալոյս 18 » 5 »

17. Տէր-Յարութիւնեան Յակոբ 18 » 5 »

18. Բէգ-Յովհէփեան Աստուածատուր 17 » 6 »

19. Խաչատրեան Հայկ 19 » 4 »

20. Խշոյեան Ենովը 17 » 6 »

21. Տէր-Պօլոսեան Գրիգոր 20 » 3 »

22. Տիտոսեան (Գրիգորեան) Արշալոյս 16 » 7 »

23. Բաշինջաղեան Գէորգ 22 » 1 »

24. Բահաթրեան Կատարինէ 20 » 3 »

25. Խանաղաղեան Ցոլակ 20 » 3 »

26. Համալեան Սիմէօն 17 » 6 »

27. Աբէլեան Ներսէս 23 » 0 »

28. Մէլիք-Շահնաղարեան Կոստանդին 22 » 1 »

Ընտրութիւններին մասնակցեցին 23 անդամ: Քուէարկւողներից երկուսը՝ Ա. Բէգ-Յովսէփիեան և Ալ. Պարզեան՝ ցանկութիւն են յայտնած եղել քուէարկուելու գեռ նախորդ ընդհանուր ժողովին, սակայն այն ժամանակ նրանցից առաջինը (Բէգ-Յովսէփիեան) դուրս էր հանուել քուէարկուելիք անունների ցանկից՝ ինչ-ինչ պատճառներով. իսկ երկրորդը (Ալ. Պարզեան), քուէարկուելով՝ չէր անցել:

Տ. Յովհաննիսեանը սկզբունքային հարց է բարձրացնում, (վերոյիշեալ ընտրութիւններից ասած) թէ արդեօք՝ կարել՞ է երկրորդ անգամ քուէարկել այն անձանց, որոնք արդէն քուէարկուել, բայց չեն անցել: Այդ առթիւ եղան թեր և գէմ կարծիքներ. Եր. Լալայեանը առաջարկում է, որ վարչութիւնը ամեն անգամ, երբ մի անգամ չանցած անձնաւորութիւն երկրորդ անգամ է քուէարկութեան դրում, պատճառաբանուած դեկուցում ներկայացնի՝ նոր քուէարկութեան անհամեշտութեան մասին: Ժողովը համամիտ է այդ առաջարկին և հարցը սպառուած է համարւում:

2. Գրական Ֆօնդի կանոնադրութեան նախագիծը ներկայացուեց Ժողովին տպագրուած այն ձեռով, ինչ կերպ որ մշակել էր նախորդ ընդհ. ժողովում ընտրուած յատուկ մասնաժողովի ձեռքով: Նախագիծն ընդունւում է հետեւեալ փոփոխութիւններով.

Ա. Ամբողջ § 4 (չորրորդ), ա, բ, և գ, ստորաբաժանումներով հանդերձ, վերածում է հետեւեալ (Տ. Յովհաննիսեանի և Ն. Աղբալեանի առաջարկած) բանաձևի. — § 4. Նպաստներ տրուում են իրրե օժանդակութիւն կամ փոխատութիւն:

« § 5. Օժանդակութիւն տրուում է Ընկերութեան անդամներին և անդամների այրիներին ու որբերին՝ միանուագ կամ տեսողաբար հետեւեալ դէպքերում. ա) հիւանդութեան, ծերութեան և արտակարգ կարիքի ժամանակ և բ) Ընկերութեան անդամների գիտական և գրական-գեղարուեստական կիսատ երկերն աւարտելու համար: Ծանօթ.—Տեսական նպաստի բաշխումը դադարում է, հէնց որ վիրաւ անում են այն հանգամանքները, որոնք առիթ էին եղել նպաստ «տալուն»:

Բ. § 5-ում «անդամներից երեք հոգի» դարձրուեց «...մեկ հոգի»:

Գ. § 6-ին կցուեց հետեւեալ ծանօթութիւնը.

«Անյետաձգելի կարիքի դէպքում վարչութեան նախագահը իրաւունք ունի, վարչութեան ուրիշ երկու անդամների համաձայնութիւնը ստանալով, օժանդակութիւն տալ մինչև քսան և հինգ (25) րուբլի, որի մասին նա պարտաւոր է զեկուցանել վարչութեան մօտակայ նիստին ի հաստատութիւն»:

Դ. § 9-ը փոխւում է այսպէս:

«Փոխ է տրուում ոչ աւել քան երեք հարիւր ըուբլի վեց ամսով և հինգ (5) տոկոսով, որ հանուում է սկզբից»:

Ե. § 11-ը, ըստ էութեան ընդունուելով, այսպէս է ձեւակերպւում.

«Եթէ չնայած վերոյիշեալ երաշխաւորութիւններին, անհնար լինի կամաւոր կերպով գանձել փոխ տուած գումարները, վարչութիւնը կարող է գանձել փոխառուի կայքից դատական միջոցով»:

§ 14-ը Համուեց ամբողջովին: Դրա փոխարէն, որպէս վերջին յօդուած գրուելու է § 6-ը՝ փոփոխուած ձեռով (տես վերը):

Ժամանակի ուշ լինելու պատճառով, նախահաշուի քննութիւնն ու միւս ընթացիկ հարցերը յետաձգուեցին յաջորդ ժողովին:

Նախագահ՝ Ն. Աղբալեան

Քարտուղար՝ Վ. Վալադեան

VIII

Թիֆլիս, 1913 թ. մարտի 24-ին, քաղաքային Դումայի դահլիճում, երեկ ժամը 7^½-ին տեղի ունեցաւ Հայ Գրողների Ընկերութեան անդամների ա. Ընդհանուր ժողովի շարունակութիւնը 40 հոգու ներկայութեամբ:

Նախագահում է ա. Ընդհ. ժ. Նախագահ Ն. Աղբալեան, քարտուղար ընտրվեց Ս. Եսայեան:

Կարգացուեց ու վաւերացրուեց նախկին Ընդհ. ժողովի արձանագրութիւնը:

Նախագահը յայտնում է օրակարգը 1) Նախահաշուի քննութեան շարունակութիւնը, 2) նոր անդամների ընտրութիւն և 3) Ընթացիկ հարցեր:

Քննելով նախահաշուի ելքի յօդուածները, Ընդհ. ժողովը բարուոք համարեց կահ-կարասիքի համար յատկացրված 170 ռուբլին զարձնել 500 ռ., գործավարի տարեկան 300 ր. ոռձիկը—360 ր.: Բոլոր ծախսերից յետոյ մնացորդ գումարը հաւասարապէս կէսը յատկացնուում է փոխատութեան, կէսը՝ օժանդակութեան: Նախահաշուի ընդհանուր ամփոփումն է.

Մուտք.

ա) 100 անդամավճար	500 ր.
բ) Դասախոս. երեկոյթներից	100 ր.
գ) Ներկայացում. համերգից	500 ր.
դ) Նուիրատութիւններ	3000 ր.
ե) 0% 0%	25 ր.
	4125 ր.

Ելք.

ա) 25% հիմն. դրամագլխ.	1031 ր. 25 կ.
բ) Փոխատու գումար	806 ր. 87 կ.

գ) Օժանդակութեան գումար	806 ր. 88 կ.
դ) Գրասենեակի վարձ . . .	300 ր. —
ե) Գործավարի ռոճիկ . . .	360 ր. —
զ) Կահ-կարասիք . . .	500 ր. —
է) Դիւանական ծախք . . .	200 ր. —
ը) Ծառայի ռոճիկ . . .	120 ր. —
	<u>4125 ր. —</u>

Համաձայն Վարչութեան գեկուցման, ի նկատի ունենալով որ եկամուտը նախահաշուով նախատեսածից կարող է աւելի լինել, օրինակ ինչպէս Ընկ. 100 անդամի տեղ արդէն ունի 150, և երեկոյթների հասոյթը ստացուել է կրկնակի (100 ր. փոխարէն 200 ր.), — Ընդհ. Ժողովը ընդունեց, որ Վարչութիւնը բոլոր լինելիք յաւելու մները կաւելացնէ փոխատու և օժանդակութեան գումարների վրայ:

Այսպիսով 1913 թ. ելեմտի նախահաշիւը յայտարարուեց հաստատուած: Ապա Ընդհ. Ժողովը իր քննութեան խնդիր դարձրեց ընթացիկ հարցերը, թողնելով նոր անդամների ընտրութեան քուէարկութիւնը Ժողովի վերջին:

Ա. Երգնկեան յիշեցնելով որ վերջերս «Հորիզոն» օրաթերթում բանակուի է տեղի ունենում Վարչութեան նախագահ Յ. Թումանեանի և Վարչանդամ Ե. Լալայեանի միջև՝ հանգուցեալ Աւ. Արասխանեանի գրքերի հարցի շուրջ, խնդրում է պարզել այդ գործի էութիւնը ներկայ Ընդհանուր Ժողովում:

Թումանեան գեկուցանում է եղելութիւնը. երբ Գրական Ընկ. նախաձեռնութեամբ թաղվեց Աւ. Արասխանեանը, հանգուցեալի ազգական Մ. Բունիաթեան, որ և հոգաց թաղման բոլոր ծախքը, Մակարյան Թիֆլիս եկած ժամանակ Գրական Ընկերութեանը շնորհակալութիւն յայտնելով հանդերձ թաղման հոգատարութեան համար, միւնոյն ժամանակ պատրաստակամութիւն արտայայտեց Յ. Թումանեանին—տալու Արասխանեանի գրքերը Հայ Գրական Ընկերութեանը պահելու համար: Մինչ այդ հանգուցեալի ձեռագրերը, բերված լինելով Արակեալաքից, գտնվում էին իր՝ Թումանեանի մօտ: Վերջինս Բունիաթեանի կամքի մասին գեկուցեց Վարչութեան նիստում, ուր և ներկայ է եղել Լալայեանը: Սակայն Լալայեան այդ նիստում ոչինչ խօսում. այլ, թաղման օրերում Ազգագրական Ընկ. դահլիճում կայացած 3—4 նիստերի համար խորհրդի կողմից պահանջում է Գրողների Ընկ. Վարչութիւնից 25 ր. և կրկին 5 ր. ինչ որ ծախսերի համար, պատճառաբանելով թէ Ազգ. Ընկ. Կապ չունի Արասխանեանի հետ: Արանից յետոյ Լալայեան գնում է Բունիաթեանի մօտ և համոզում է նրան տալ Արասխանեանի գրադարանը ոչ թէ Գրողների, այլ Ազգագրական Ընկերութեանը: Բունեաթեանը խնդրում է այդ մասին Ժողով գումարել և հրաւիրել նաև Թումանեանին, բայց Լալայեան այդ Ժողովին հրաւիրում է Գրողների Ընկ. Վարչութեան անդամ-գանձապահ թժ. Զարգարեանին, որ ներկայ չէր եղել Վարչութեան վերոյիշեալ նիստին և անտեղեակ էր հարցին:

Բացի այդ Լալայեան հաւատացրել է Բունիաթեանին, թէ Գրողների Ընկ. Վրագարան պահելու իրաւունք չունի, որի մասին նա գրում է նոյն իսկ մամուլի մէջ: Վարչութեան անդամ Լալայեանի այդպիսի վարմունքը որակելով տգեղ առաջ ու ներհակ Գրական Ընկ. շահերին, Թումանեան, ընդգծելով հարցի բարոյական կողմը, պահանջում է, որպէսզի Ընդհ. Ժողովը այդ ամիթով իր վերաբերմունքը յայտնի որոշակի ու խիստ կերպով:

Եր. Լալայեան, խօսք առնելով, ասում է. «Գրողների Ընկերութեան վարչական ժողովը որոշեց, որ Ընկ. Վրասենեակը լինի Ազգ. Ընկ. բնակարանի մէջ, ամսական 25 րուբրով: Թէև Ազգ. Ընկ. խորհուրդը մերժեց իր բնակարանի փոքրութեան պատճառով, սակայն ևս խնդրեցի, որ գոնէ մի քանի ամիս թոյլ տրուի պայմանով, ստացուած վարձով ևս գլքերի պահարաններ առնեմ: Զիջելով իմ խնդրին, խորհուրդը թոյլ տուեց: Այնուհետեւ կանոնաւոր կերպով Գրողների Ընկ. Ժողովները կայանում էին մեղ մօտ, բայց մի օր Վարչ. անդամ Աթանասեան առաջարկեց տնայնագ. ու գիւղատնոտ. Ընկ. վարձած բնակարանի երկու սենեակը վարձել Գրողների Ընկ. համար և Վարչութիւնը համաձայնեց: Մինչ այդ ևս արդէն գնել էի մի պահարան 26 ր. մի բուրբին ինձանից աւելացնելով: Իրան Թումանեանին ևս հաշիւ ներկայացրի, որի մէջ յայտնում էի թէ 5 ր. 35 կ. ծախս եմ աշբել հեռագրի ու այլ բաների վրայ և 25 ր. էլ բնակարանի վարձ եմ սպասում, միւնոյն ժամանակ 20 ր. անդամավճար եմ ստացել: Թումանեան մինչև այժմ չէ վճարել 10 ր. 35 կ-ը: Այս պարզ հաշուին այլ գունաւորում է տալիս նա:

«Ինչ վերաբերում է Արասխանեանի գրադարանի հարցին՝ փաստը հետեւալն է: Արասխանեանի թաղումից 5 օր յետոյ, ինչպէս այլ, այնպէս և «Հորիզոն» № 275-ում (13 դեկտ. 1912 թ.) յայտնեցի, որ Հայոց Ազգ. Թանգարանը ստանալով Արասխանեանի գագաղի արկղը՝ պատուիրեց նրանից շինել պահարան՝ Արասխանեանի հրատարակութիւնները, ձեռագրերը ու զանազան իրեր ու գրքեր պահելու համար: Իսկ պահարանի վրայ դնել նրա պատկերը: Սրանից մի շաբաթ յետոյ խնդրեցի թժ. Զարգարեանին՝ որ մեր թանգարանի զոկական բաժանմունքի նախագահն է՝ գումարել զոկական մասնաժողովի նիստ խորհրդակցելու՝ թէ ինչպէս կարող ենք իրագործել իմ յիշած ծրագիրը: Զարգարեանը ասաց, որ սպասենք Բունիաթեանը գայ Մօսկուայից: Երբ վերջինս եկաւ, Զարգարեանը Ժողով գումարեց առանց նրա հետ որևէ է բան խօսելու և կամ ժողովի հրաւիրելու: Ժողովը որոշեց խնդրել Արասխանեանի կտակակատարներին նույիրել Արասխանեանի գրադարանը Ազգ. զոկական բաժանմունքին: Աւետիս Զարգարեան, որ այս մասնաժողովի զանազարանն է և ներկայ էր Ժողովին, տուեց իր հաւատութիւնը ոչ թէ նույիրելու, այլ աւանդելու, սակայն ասաց, որ հարկաւոր է միւս կտակակատարների համաձայնութիւնը ևս առնել. ուստի և մի երկրորդ Ժողով նշանակեցին, որին և հրաւիրուեց պ. Բունիաթեան: Վերջինս պատասխանեց թէ ակար է ու չէ կարող գալ: Այդ պատճառով թժ. Զարգարեան գնաց նրա մօտ, խօսեց հետու և գալով ժողով, յայտնեց թէ

պ. Բունիաթեանը ևս համաձայն է: Մասնաժողովը որոշում կայացրեց և նոյնիսկ արկղից պատրաստուած պահարանի ծախքը իր վրայ վերցրեց: Մի շաբաթ յետոյ պ. Բունիաթեան անձամբ բերեց գրքերը:

Ապա Լալայեան ժխտում է Թումանեանի այն ասածը՝ թէ Վարչութեան մէջ խօսք է եղել Արասխանեանի գրքերի և Բունիաթեանի՝ Թումանեանին յայտնած պատրաստակամութեան մասին հէնց իր՝ Լալայեանի ներկայութեամբ, մանաւանդ որ Թումանեանի յայտարարութեամբ Գրողների Ընկ. Վարչութիւնը ոչ մի դիմում չը պէտք է անէ: «Բունիաթեանից ոչ մի թուղթ չէ ստացուած—լրացնում է Լալայեան—թէ Արասխանեանի գրքերը յանձնելու է Գրական Ընկ. իսկ եթէ պ. Թումանեանը յայտնել է նիստում, դա գեռ պարտաւորեցուցիչ չէ՝ որ այդ առիթով մի ուրիշ ընկերութեան ծրագիրները բացուեն»: Նոյնը պէտք է ասեմ Ախվերդեանի գըրքերի առիթով, որովհետև Գրողների Ընկ. միջոցով չէ, որ մենք ճանաչում ենք օր. Ախվերդեանին. մենք ենք հրատարակել նրա հօր հաւաքած աշուղների երգերը, նա շատ վաղուց կապուած է մեր՝ Ազգ. Ընկ. հետ»:

Վերջում Լալայեան պարզում է իր վերաբերմունքը դէպի Գրողների Ընկերութիւնը, ասելով որ նա պէտք է կրէ սոսկ փոխադարձ օգնութեան բնոյթ: Այդպէս է նա ըմբռնել Ընկ. նպատակը, որի հիմնադիրներից մինն էլ ինքն է, ինչպէս և Վարչութեան անդամ: Գրողների Ընկը իրաւունք չունի զբաղուել հրատարակութեամբ և կամ զբագլան պահել:

Ա. Յարութիւնեան, նկատելով որ գոյութիւն ունեցող տարածայնութիւնը ստեղծում է անախորժ մթնոլորդ, կողմանկից է որ խնդիրը լուսաբանուի բազմակողմանի կերպով:

Երգնեան իբրև հարցապնդող, չըգոհացած երկուստեք բացատրութիւններից, պնդում է հարցի աւելի պարզաբանութեան վրայ:

Յ. Թումանեան հեգնում է, որ Լալայեան յիրաւի իր իրաւունքը հիմնեց Արասխանեանի դագաղի արկղի վրայ: Թումանեան բացէ ի բաց յայտարարում է, որ արկղը Ազգ. Ընկ. ուղարկելու գործին Վարչութեան անդամներից և ոչ մինը մասնակից չէ եղել: Վարչութիւնը չէր կարող զրասենեակի նկատմամբ ընդունել Լալայեանի սուրագրութիւնը և ապաջարկը, քանի որ արդէն Հրատարակը. Ընկ. էր առաջարկել իր գրասենեակը ձրի: Բայց որ Լալայեան 30 ուուրլի արդէն վերցրել էր անդամակաների գումարներից, այդ փաստ է և կարող են վկայել Վարչութեան մնացած անդամները, որոնք արդարեւ ձըշտում են, ասելով որ Ընկ. գործերում կայ Լալայեանի սուրագրութիւնը և ապա Թումանեանի միւս հարցին պատասխանում են թէ զրադարանի մասին խօսք եղել է Վարչութեան նիստում, այն էլ Լալայեանի ներկայութեամբ:

Աւրպես, ինչպէս և Մ. Աւետիսեան գտնում են, որ իրաւական տեսակէտից ներկայ ժողովը չէ կարող քննել խնդիրը: Աւետիսեան ընդունում է, որ այսուհետեւ Գրողների Ընկ. Վարչ. անդամ ընտրելիս պէտք է չընտրել այնպիսի անձանց, որոնք անդամ են մի ուրիշ Ընկերութեան Վարչութեան մէջ:

Մ. Զմէկեան կարծում է, որ ներկայ հարցը ամենից առաջ պէտք է ներկայացրած լինէր Վարչութեանը:

Թումանեան, շարունակելով, Ախվերդեանի 40 կտոր գրքի առիթով շեշտում է Լալայեանը վարմունքը, որ երկրորդ անգամ դարձեալ Վարչութեան նիստում իմանալով որ Թումանեան Սայեաթ-Նօվայի երեկոյթի առիթով եղել է օր. Ախվերդեանի մօտ և խօսք է բացուել գրքերի մասին, առանց որ և է բան յայտնելու, միւս օրը շտապում է օրիորդի մօտ, վարկաբեկում է Գրական Ընկերութիւնը, հաւատացնում է որ Ընկ. գրադարանի իրաւունք չունի, և երբ օրիորդը սկսում է պաշտպանութեան խօսք առել, Լալայեանը առարկում է թէ իրանք միանալու են մի ընկերութեան մէջ և այդ ձևով ստանում է Համբերդեանից 40 կտոր գիրք: Փաստը այն է, որ Լալայեան իրեւ Վարչութեան անգամ հակառակ է վարուել Ընկ. շահերին: Այնուհետեւ շեշտելով, որ Գրողների Ընկ. հակառակ Լալայեանի անգիտանալուն, իրաւունք ունի ունենալ սեփական մատենադարաններ, հրատարակութիւն անել, Թումանեան գտնում է, որ Գրողների Ընկ. մէջ, ուր նստած են մարդիկ գրականութեան, գիտութեան ու հրապարակախօսութեան անունով, չի կարելի հանդուրժել փաստերի աղաւաղումն: Հարցը բնաւ նիւթականի մէջ չէ կայանում, այլ բարոյական կողմի կշռի մասին է խօսքը:

Տ. Յովիաննիսեան կարենորը հարցի սկզբունքային կողմն է համարում, որ Վարչութեան մի անգամը ձիշտ չէ ըմբռնում Ընկ. կանոնադրութիւնը: Հոետօրի կարծիքով, Բունիաթեանի և Ախվերդեանի ասածները այսօրուայ քննութիւնից պէտք է դուրս մնան: Գրողների Ընկ. միանգամայն բարոյական իրաւունք ունէր ստանալ Արասխանեանի գրադարանը: Ապագայի նըկատմամբ գոնէ պէտք է ի նկատի ունենալ սկզբունքային հարցը:

Ա. Արանասեան հաստատում է, որ Թումանեան զեկուցեց Մ. Բունիաթեանի յայտնածի մասին՝ վերաբերեալ Արասխանեանի գրքերը այս Ընկերութեանը յանձնելու հարցին: Լալայեան ներկայ էր նիստում, բայց ոչինչ չասաց: Երբ շաբաթից յետոյ, երբ Լալայեանի վարմունքը յայտնի դարձաւ, Աթանասեան այդ առիթով Առաջնորդարանում հանդիպելով դիմում է Լալայեանին, որ ասում է, «իսկ ի՞նչ էիք կարծում, միթէ թողած մեր Ընկերութիւնը, ես պէտք է մտածէի ձեր Ընկերութեան շահերի մասին»:

Ի. Խանագատ, նոյնպէս փաստացի ճշտումներ յայտնելով Լալայեանի ասածների դիմաց, գտնում է որ խնդիրը պարզ է. Լալայեան եղել է Վարչութեան նիստում և չէ յայտնել իր յետագայ անելիքների մասին. ուրեմն նա վարուել է գաղտագողի կերպով:

Խախագանիր նկատողութիւն է անում վերջին բառի դէմ:

Վարչադարձ կարծում է, որ հարցին պէտք է վերաբերուել անտարբեր: Գլխաւորը սկզբունքային երկու կէտերն են. նախ կարող է, արդեօք, Ընկ. որեւ անդամ, որ մի վատ գեր է խաղացել, մնալ վարչութեան մէջ, և երկրորդ՝ որ քանի կանոնադրութեան մէջ պարզօքն մատնանշուած է մատենադարանների պահելու մասին, ինչպէս կարելի է ժխտել այդ:

Եր. Լալայեան նկատում է, որ Թումանեան է յեղաշրջում իրողու-

թիւնը: Օր. Ախվէրդեանը, Լալայեանի ասելով յատկապէս այցելել է Ազգ. Ընկ. գրադարանը և, լիովին գոհ մնալով տեսածից, յայտնել է Լալայեանին որ գրում նրա մասին չարամիտ լուրեր են տարածում: «Ես ուրախութեամբ կը մասնակցեմ ամեն մի ընկ. մէջ,—ասում է Լալայեան,—եթէ տեսնեմ որ այդ ընկ. ընթանում է որոշ ընդգծուած ճանապարհով: Գործելով սկզբունքով, ես կամենում եմ որպէս զի Հայ Գրողների Ընկ. լինի գուտ փոխադարձ օգնութեան բնաւորութեան, իսկ Ազգ.-ը—մասնագիտական»:

Նախագահը ձևակերպում է խօսակցութիւնները:

Երգնիեան աւելի նպատակայարմար է գանում ընտրել մասնաժողով, որի փաստացի քննութեան հետևանքի մասն իրազեկ կանուի Ընդհ. Ժողովին:

Կ. Նիրինիեան գտնում է, որ եթէ սառը դատենք, կը տեսնենք, որ ոչ մի արտակարգ բան տեղի չի ունեցել: Եղածը պայմանաւորւում է այն մուեանդ սիրով, որ ունի Լալայեանը ազգագրութեան նկատմամբ: Լալայեան ապրում է Ազգ. Ընկերութեամբ, շնչում է նրանով: Մօտենալով խնդրին այս մասշտաբով, կերեայ որ Լալայեանը այնքան էլ յանցաւոր չէ:

Ա. Յարութիւնեան Լալայեանի վարմունքին մօտենում է բարոյական և Ընկ. շահերի տեսակէտից: Վերջին իմաստով նա վարուել է անհարազատ կերպով, սակայն չի կարելի արատ ձգել նրա վրայ: Հարկաւոր է ընդգծել ժողովի մէջ, որ Լալայեան Վարչութեան նիստում չէ յայտնել իր անհերթի մսին և վարուել է անհարազատ կերպով:

Գ. Մելիք-Ղարազօնեան անկօրէկտ է համարում ի հարկէ, եթէ Լալայեան գրադարանը ստանալու մասին ոչինչ չէ ասել Վարչութեան նիստում: Բայց միւս կողմից նա քանից լսել է անձամբ Լալայեանից, որ ցանկանում է Արասխանեանի գրքերը ձեռք բերել: Ինքը Բունիաթեանը յայտնել է Մելիք-Ղարազիօնեանին, որ աւելի կամենում է գրադարանը Ազգ. Ընկ.-ը յանձնել: Տեղի ունեցած միջադէպի մասին պէտք է ցաւել միայն. հետեւար մասնաժողով ընտրել միտք չունի:

Յ. Թումանեան ասում է, «Ես զգում եմ, հաւատում, որ խօսում եմ մի ընկերութեան մէջ, որ ուրիշներին առաջնորդելու վսեմ կոչման է հետամուտ: Բարոյապէս ուժեղ Հայ Գրողների Ընկերութեան մէջ ես դիմում հմ ձեզ, պարոններ, և ասում. «լսեցիք ինձ էլ, Լալայեանին էլ. լաւ լսեցիք, թէ ինչպէս նա երեք անձտութիւններ ասաց, որ իր Վարչութեան մէջ գրադարանի մասին խօսք չէ եղել, որ ինքը չէ եղել Վարչութեան նիստում, և վերջապէս որ նա իրաւոնք է վերապահում իրան չը բանալ իր ծրագիրները: Ինչպէս կարելի է տանել Վարչութեան անդամի այս տեսակ հակառակութիւնը: Զէ որ, փառք Աստծու, կայ արձանագրութիւն, ստորագրուած հէնց իր Լալայեանի ձեռքով: Զէ որ կան կենդանի վկաներ: Այօրինակ աննօրմալ երկոյթներ օտար պէտք է լինեն այս նորանաստատ Ընկերութիւնից»: Թումանեան սպասում է ժողովի կտրուկ վերաբերմունքին, այլապէս Վարչութիւնը ստիպուած կը լինի հրաժարուել:

Աւրաքե գարձեալ, յենուելով Կանոնագրութեան § 18-ի վրայ, բողոքում է խնդիրը Ընդհ. Ժողովում ընսելու դէմ:

Տ. Յովիաննիսեան, համակարծիք չը լինելով քննիչ մասնաժողով ընտրելու առաջարկութեան, ասում է որ պէտք է բարեացակամ վերաբերմունք ցոյց տալ: Խոհեմութիւնը պահանջում է, նկատի առնելով որ մեր Ընկ. նոր է և կարևոր գեր ունի կատարելու ապագայում, հարցին սուր կերպարանք չտալ:

Լ. Դանիիելեան երկուստեք բացատրութիւնների մէջ խստութիւն է տեսնում: Հարկ չը կայ մասնաժողով ընտրել, պէտք է հարցը թողնել ու ցաւ յայտնել, ու ցանկութիւն՝ որպէս զի ապագայում նման դէպքեր չը կը կնուեն:

Իվելիեան հարցը դնում է շեշտակի. ըստ երևոյթին մի գրադարան գաղտնագողի կերպով անցել է մէկի ձեռքից միւսին, ուրեմն աստառը ինտրիգայի վրայ է հիմնուած: Ամենից էականը այդ ինտրիգայի եղած կամ չեղած լինելու պարզաբանութիւնը պէտք է լինի: Եթէ Լալայեան ուրանում է ինտրիգայի գոյութիւնը, ուրեմն քննիչ մասնաժողովը անհրաժեշտ է:

Նախագահը նկատում է, որ ինքը Լալայեան ևս չէ հերքում գրադարանը ստանալու իրողութիւնը:

Գր. Վարդաննեան ընդունում է, որ Լալայեան իսկապէս շնչում է Ազգագրականով ֆանսատիկ անձնուիրութեամբ: Բայց Հայ Գրողների Ընդհ. էլ իր շունչը ունի: Վարդաննեան ապշած է, որ Լալայեան անտես է անում ընկ. կանոնագրութիւնը: Այստեղ Վարչութեան պատիւն է վիրաւորուած: Ընդհ. Ժողովը իր անվստահութեան քուէն պէտք է տայ Լալայեանին:

Նախագահը նկատելով, որ խնդիրը աւելի են ծանրացնում, ասում է որ Լալայեանի հոգեբանութիւնը այլ կերպ չէր կարող վարուել: Բայց մի բան պարզ է, որ նրա վարմունքի մէջ ոչ մի անձնական շահ չը կայ: Նրան զեկավարել է սոսկ մենամոլութիւնը: Պէտք է ցաւ յայտնել և դիմել հերթական գործերին:

Ա. Ղազարեան, Յ. Մալխասեան, Տ. Դանիիել-Ցէկ սոյնպէս կողմնակից են, որ խնդիրն վերջ դրուի:

Յ. Թումաննեան կրկն պնդում է խնդիրի բարոյական կողմի վրայ: Հարցը այն չէ, որ Արասխանեանի գրքերը ստացել է ոչ թէ Գրական, այլ Ազգագրական ընկերութիւնը. այլ հարցը այն է, որ այդ գրքերը տանելու համար եր. Լալայեան, մինչև անգամ լինելով Գրական ընկ. անդամ և Վարչութեան անդամ, աշխատել է մոլորեցնել մարդկանց, հաւատացնելով թէ Գրական Ընկերութիւնը իր կանոնագրութեամբ գրադարան պահելու իրաւունքի գուրէ է, մինչդեռ ունի. հաւատացը էլ թէ յիշեալ երկու ընկերութիւնները միանալու են, այնիսկ այդ տեսակ բան չըկայ և չի կարող լինել: Եղել է Լալայեանը վարչութեան նիստերին, լսել է, լոել և գնալով իր դատապարտելի քայլը արել: Այդ վարմունքը ոչ մենամոլութեան արգասիք է և ոչ էլ խնդիրը պէտք է թաղել: Զէ որ ինքը Լալայեանը չէ ժիտում այն, ինչ որ այստեղ խօսուեց: Ուրեմն երկու կողմերից մինը մեղաւոր է, հետեւար և արժանի Ընդհանուր Փողովի հեղինակաւոր վերաբերմունքին:

Եր. Լալայեան իր վերջին խօսքում պաշտպանում է իր նախկին ասած-

ները, ընդգծելով, որ գրադարանի հարցին տեղեակ է եղել և Վարչութեան անդամ-գանձապահ ԲԺ. Զարդարեան: Լալայեան աշխատանքի բաժանումը անհրաժեշտ է գտնում: Լէօն նոյնպէս կողմակից էր, որ Հայ Գրողների Ընկերութիւնը լինի միայն փոխադարձ օգնութեան բնաւորութեան, բայց երբ տեսաւ, որ իրան համեմատ չեն, հեռացաւ: «Ես կրկին ասում եմ—առարկուած է Լալայեան, որ գործել եմ միշտ որոշ գաղափարով: Ես իմ 5000 ր. արժեցող գրադարանը նույիրել եմ Ազգագրական Ընկերութեանը: Բայց սին խօսքերը անօգուտ են. Եթէ պ. Թումանեան ցանկանում է որ Գրողների Ընկերութեանը: Ես իմ վերաբերմունքի մէջ ոչինչ գատապարակի չեմ գտնում»:

Հ. Գիւտը յայտնում է, որ Մոսկովյայում գտնուած ժամանակ անձամբ լսել է Բունիաթեանից, որ Արասիսանեանի գրքերը արուելու են Հայ Գրողների Ընկերութեանը:

Նախագահը, ամփոփելով եղած առաջարկութիւնները, քուէարկութեան է դնում քննիչ մասնաժողով ընտրելու առաջարկը, որ բաց քուէարկութեամբ չանցաւ:

Այսուհետև բանաձեր են առաջարկում Ա. Յարութիւնեանի և Ս. Եսայեանի կողմից, որպիսի բանաձերը կցւում են ներկայ արձանագրութեան:

Ընդհանուր Ժողովը ընդունում է Նախագահի առաջարկած բանաձեր՝ Յ. Ալիսանեանի լրացումով՝ հետեւալ ձեակերպութեամբ.—

«Ընդհանուր Ժողովը ցաւ է յայտնում պ. Երուանդ Լալայեանի դեսպի Ընկերութեան շահերը ցոյց տուած անկորեկտ ու անհարազա վերաբերմունքի համար եւ, հաւանութիւն տալով Վարչութեան մինչաժմեայ գործունեութեանը, անցնում է հերթական գործերին»:

Եր. Լալայեան յուզուած բացականչում է. «Ես իմ խորին ցաւակցութիւնն եմ յայտնում, որ ներկայ Վարչութիւնը սպանեց գրական Փօնդը: Երանի է, որ հիմնուի նոր Ընկերութիւն» և ապա հեռանում է:

Նախագահը առարկում է՝ թէ յոյս ունի, որ Վարչութիւնը, Ընդհակառակն, կը պահպանէ Փօնդը և կը զարգացնէ այս:

Վերջում գաղտնի քուէարկութեամբ Ընկ. անդամներ են ընտրուում՝ համաձայն գաղորօք յայտնած ցանկութեան—ճարտարապետ Թ. Թորոմանեան ստանալով 29 սպ. ու 1 սկ, Մամբրէ Մատենցեան 26 սպ.—4 սկ, Տ. Տերուի 24 սպ.—4 սկ, Ա. Վարդանեան—22 սպ.—8 սկ, Գ. Տեր-Բաղդասարեան և Գ. Ենգիբարեան—20-ական սպ. ու 10-ական սկ:

Ժողովը փակուեց ժ. 11^{հաւանական}:

Նախագահ Ընդհ. Ժողովի՝ Ն. Աղբալեան

Քարտուղար՝ Ս. Եսայեան

IX

1913 թուի նոյեմբերի 14-ին Կովկասի Հայոց Բարեգործական Ընկերութեան դահլիճում կայացաւ Կովկասի Հայ Գրողների Ընկերութեան Ընդհանուր Ժողովը՝ Ընկերութեան 26 անդամների ներկայութեամբ:

Վարչութեան նախագահից պ. Յովհաննէս Թումանեանը բանալով նիստը, համաձայն Ընկերութեան կանոնագրութեան XX յօդուածի կանոնաւոր համարեց անօգուտ են. Եթէ պ. Թումանեան ցանկանում է որ Գրողների Ընկերութեանը: Եթէ պ. Թումանեանը կայացաւ կառաջարկեց ընտրել նախագահ ու քարտուղար:

Բաց քուէարկութեամբ նախագահ ընտրուեց պ. Մինաս Բերբերեանը, իսկ քարտուղար՝ Գարեգին Գարդիշեանը:

Պ. Նախագահի առաջարկութեամբ Ընդհանուր Ժողովը յոտնկայս յարգեց Սիմէօն Զաւարեանի, Ալէքսանդր Քալանթարի և Կոստանդին Խատիսիանի յիշատակները:

Կարգացուեց և հաստատուեց Ընկերութեան նախորդ՝ մարտի 24-ին կայացած Ընդհանուր Ժողովի արձանագրութիւնը, որից յետոյ Ժողովը զբաղուեց օրակարգի խնդիրների քննութեամբ. իսկ օրակարգը հետեւան էր.

1) Վարչութեան 2 անդամի և 3 փոխանդամի ընտրութիւն.

2) Նոր անդամների ընտրութիւն.

3) Սայեաթ-Նովայի աշխատութիւնների տպագրութեան հարցը.

4) Սայեաթ-Նովայի մահարձանի բացումը և 5) ընթացիկ հարցեր:

Ժողովը ամենից առաջ զբաղուեց նոր անդամների ընտրութեամբ. գաղտնի քուէարկութեամբ Ընկերութեան նոր անդամներ ընտրուեցին.

1. Սիամանթօ, ստանալով 25 սպիտակ և 2 սկ քուէ.

2. Մ. Խոստիկեան, 26 » 1 »

3. ԲԺ. Մ. Բուգուղեան, 26 » 1 »

4. Յակոբ Քոչարեան, 25 » 2 »

5. Դէորդ Խատիսեան, 23 » 4 »

6. Յովհաննէս Կարապետեան, 23 » 4 »

7. Յովհ. Մկրտչումեան, 21 » 5 »

8. Գրիգոր Գրիգորեան, 21 » 5 »

9. Աւետիք Սահակեան, 24 » 3 »

10. Սարգիս Երկանեան, 24 » 3 »

11. տ. Հեղինէ Մելիք-Հայկազեան, 24 » 2 »

12. Ար. Տիգրանեան, 23 » 3 »

13. Իշխ. Միքայէլ Թումանեան, 21 » 5 »

14. Վարդգէս Ահարոնեան, 21 » 5 »

Այս ընտրութիւնից յետոյ Ժողովը զբաղւում է օրակարգի այլ խնդիրների քննութեամբ, որին մասնակցում են նաև նոր անդամներից մի քանիսը:

Վարչութեան նախագահի պ. Յովհաննէս Թումանեանը զեկուցում է Ժողովին, որ առաջիկայ գեկտեմբերի 1-ին տեղի է ունենալու Սայեաթ-Նովայի մահարձանի բացումը, ուստի և հրաւիրում է Ընկերութեան անդամ-

Ներին ներկայ լինելու այդ հանդիսին, Զեկուցում է նաև, «ը Վարչութիւնն արդէն միջոցներ է ձեռք առել հրատարակելու Սայեաթ-Նովայի երգերի ժողովածուն: Վարչութիւնը մտադրութիւն ունի, ասաւ պ. Թումանեանը, հրատարակելու առ այժմ Հախվերդեանի ժողովածուի բոլոր երգերը, քերականութեամբ և բառզբով հանդերձ, կցելով այդ ամենին նաև Գ. Աստուածատրեանի՝ Պետերբուրգի կայսերական թանգարանում պահուող ձեռագրից քաղած 10 երգերը: Այս հրատարակութիւնը պէտք է լինէր մաքուր, լաւ թղթի վրայ և որքան կարելի է մատչելի լինէր բուն ժողովրդին: Բացի այս ժողովրդական հրատարակութիւնից Վարչութեան կարծիքով պէտք էր ապագայում Սայեաթ-Նովայի աշխատութիւնների մի գիտական հրատարակութիւն ևս անել: Վարչութեան նախագահը զեկուցեց նաև այն, որ Սայեաթ-Նովայի անուամբ կազմակերպուած երեկոյթներից այնքան դրամ է գոյացել, որ կարելի կը լինի թէ նրա մահարձանի և թէ այդ ժողովրդական հրատարակութեան ծախսերը հոգալ:

Այստեղ միջանկեալ պ. Յակոբ Աղաբաբեանը յայտարարում է, որ ս. Գէորգի ծխական հոգաբարձութիւնը որոշել է մահարձանի բացման հանդէսի օրը գպրոցի սենեակներից 3-ը դնել Հայ Գրողների Ընկերութեան տրամադրութեան տակ:

Ժողովի կողմից գոհունակութեամբ է ընդունում այս յայտարարութիւնը:

Պ. Մակար Զմէկեանը աւելորդ է համարում քերականութիւնը կցել այդ հրատարակութեանը:

Պ. Լէօն ցանկալի է համարում մի քիչ աւելի մանրամասն զեկուցում լսել Վարչութիւնից այս հրատարակութեան վրայ լինելիք ծախսերի մասին:

Վարչութեան անդամ հ. Գիտ ա. Բահանայ Աղանեանը պ. Լէօն յարուցած այդ հարցի առթիւ յայտնում է, որ գիրքը տպագրուելու է 2500 օրինակ և բաղկացած է լինելու 140—144 երեսից. Երկու տեսակ թուղթ է ընտրուած հրատարակութեան համար՝ միջակ և աւելի լաւ. միջակ թղթի վրայ տպագրելու դէպքում ամբողջ հրատարակութիւնն արժենալու է 391 ըուբլի, իսկ լաւ թղթի վրայ տպագրելու դէպքում՝ 475 ըուբլի:

Վարչութեան անդամի այս բացատրութիւնը լսելուց յետոյ պ. Լէօն գտնում է, որ անհրաժեշտ է լաւ թղթի վրայ տպագրել, քանի որ տարբերութիւնը համեմատաբար մի չնչին գումար է. Գրքի գինը այնուամենայնիւ պէտք է մատչելի դարձնել բուն ժողովրդին, որովհետեւ իրօք հէնց այդ ժողովուրդն է, ասում է պ. Լէօն, որ կարդում է մեր գրականութիւնը և այս դէպքում էլ ամենից առաջ նրա պահանջներն են, որ պէտք է աշքի առաջ ունենայ մեր Ընկերութիւնը: 20—25 կոպէկից թանգ չըպէտք է արժէնայ այդ գիրքը:

Պ. Նիկ. Աղբալեանը գտնում է, որ 2500 օրինակը շատ է և անկարելի է այդքան գիրք տարածել մեր իրականութեան մէջ: Զը պէտք է մոռանալ, որ գրքի առաջին տպագրութիւնը միայն այս տարի սպառուեց:

Պ. Ա. Արանասեանը համակարծիք է պ. Նիկ. Աղբալեանին և գտնում

է, «ոռ առ առաւելն պէտք է 1200 օրինակ տպագրուի: Թիֆլիսի բարբառը արդէն մեռնում է և մի քանի տարուց յետոյ այլ ևս շատ քիչ մարդ կը լինի, որ այդ բարբառը կարողանայ հասկանալ:

Պ. Գառնիկիեանը ցանկալի է համարում Վարչութեան ծրագրած երկու հրատարակութիւնները՝ ժողովրդականն ու գիտականը միացնել և մի ընդհանուր հրատարակութիւն անել:

Պ. Ռուբեն Խանազեանը առաջարկում է ընտրել չըտպագրուած երգեր եղած ձեռագիրներից և կցելով վրանք Հախվերդեանի հրատարակութեան մէջ եղած երգերին լոյս ընծայել բառզբով հանդերձ:

Պ. Մակար Զմէկեանը կարծում է, որ պէտք է 2500 օրինակ տպագրել. համոզուած լինելով որ ժամանակի ընթացքում այդ բոլորը կը տարածուի: Իսկ եթէ մինչեւ այժմ շատ գանգաղ են վաճառուել Սայեաթ-Նովայի աշխատութիւնները, պատճառն այն է, որ շատ քչերն էին ճանաչում այդ տպագաւոր երգչին:

Պ. Գր. Վարդանեանը նոյնպէս այն կարծիքի է, որ պէտք է 1200 օրինակ տպագրել, միայն այնպիսի գին նշանակել վաճառքի համար, որ դրանից գոյացած գումարով կարելի լինի միայն ծախսերը հոգալ:

Պ. Խոստիկիեանը կարեր է համարում բառգիրքը տպագրել ոչ թէ գրքի վերջում, այլ իւրաքանչիւր երգից յետոյ դնել այդ երգի մէջ եղած անհանկանալի բառերը իրենց անհրաժեշտ բացատրութիւններով: Այդ ձեռվ աւելի դիւրացրած կը լինենք ընթերցանութեան գործը, ասում է պ. Խոստիկեանը:

Պ. Խանակ Յարութիւնեանը կարծում է, որ ընդհանուր ժողովը ներկայ պարագաներում շատ էլ ըպէտք է մտնի այդ հրատարակութեան բովանդակութեան մանրամասն քննութեան մէջ: Ընկերութիւնն ինքը այս պէտքում իր միջոցներից ոչինչ էլ չի ծախսում. կազմակերպուել են երեկոյթներ, գոյացել է որոշ գումար և այդ գումարն է, որ պէտք է գործադրուի հրատարակութեան համար:

Պ. Լէօն գտնում է, որ պէտք է 2500 օրինակ տպագրուի, մանաւանդ որ այդ գէպքում գրքի իւրաքանչիւր օրինակը համեմատաբար արժան կը նստի. ուստի և համարական կը լինի աւելի ևս մատչելի դարձնել ժողովրդին:

Պ. Յակ. Աղաբաբեանը նոյնպէս 2500 օրինակ տպագրելու կողմանակից գտնելով որ հէնց այդպիսի հրատարակութիւններն են, որ համեմատաբար մէծ քանակութեամբ տարածում են մեր ժողովրդի մէջ:

Պ. Յովհաննես Թումանեանը յայտնում է՝ ժողովին, որ այլ և այլ վարդից արդէն իսկ պահանջներ կան այդ հրատարակութեան, այնպէս որ կարծում է, որ լաւ կը տարածուի:

Պ. Մինաս Բերբերեանը ամփոփելով ժողովում արտայայտուած բոլոր կարծիքները, ըուէարկում է.

ա. Լաւ թէ միջակ թղթի վրայ տպագրել այդ գիրքը.

Ընդհանուր ժողովը որոշում է լաւ թղթի վրայ տպագրել:

բ. 2500 թէ 1200 օրինակ տպագրել.

18 ձայնով ընդդէմ 9-ի որոշում է 2500 օր, տպագրել:

Այս քուէարկութիւնից յետոյ պ. Նիկ. Աղբալեանի առաջարկութեամբ ժողովը ցանկութիւն է յայտնում, որ այդ հրատարակութեան վաճառումից գոյացած գումարը չըծախուի ընթացիկ պէտքերի համար, այլ պահուի նման նպատակների համար:

Վարչութեան նախագահը զեկուցում է ժողովին, որ Վարչութեան նիստերի մի քանի արձանագրութիւններ, որոնք կազմուել են պ. Ե. Լալայեանի ձեռքով՝ Վարչութեան քարտուղար հայր Աղանեանի Թիֆլիսից բացակայ եղած ժամանակ, մինչեւ այժմ պահում են պ. Լալայեանի մօտ, չընայած որ մի քանի անգամ դիմուել է այդ մասին: Պ. Լալայեանը ոչ միայն արձանագրութիւնները չի վերադարձրել, այլ նոյն իսկ անպատասխան է թողել Վարչութեան բոլոր դիմումները: Ընդհանուր ժողովին է դիմում՝ միջոցներ գտնելու այդ կարեոր արձանագրութիւններն ստանալու համար:

Ընդհանուր ժողովի նախագահը՝ նոր կրթել չըլուզելու նպատակով՝ առաջարկում է կորած համարել այդ արձանագրութիւնները, մանաւանդ որ առանձին նշանակութիւն չունեն գրանք Ընկերութեան համար:

Պ. Մակ. Զևէկեանը առաջարկում է մի յանձնաժողով ընտրել և յանձնարել նրան Ընդհանուր ժողովի անունից պահանջել պ. Լալայեանից այդ արձանագրութիւնները:

Պ. Խ. Բաբայեանը առաջարկում է դատարանի դիմել:

Պ. Գասպար Իփեկեանը նպատակայարածար է համարում յանձնարարել Ընդհանուր ժողովի նախագահին՝ խօսել պ. Լալայեանի հետ և ստանալ արձանագրութիւնները:

Պ. Արք. Յարութիւննեան առաջարկում է Ընդհանուր ժողովի անունից պ. Ա. նախագահի ու քարտուղարի ստորագրութեամբ մի գրաւոր դիմում անել պ. Ե. Լալայեանին և պահանջել նրանից արձանագրութիւնները:

Պ. Նախագահը քուէարկում է.

ա. Դիմել պ. Լալայեանին թէ հրաժարուել արձանագրութիւններից.

20 ձայնով ընդդէմ 6-ի որոշում է դիմել:

բ. Գրաւոր դիմում անել թէ խօսել հետը.

Դիմումի այս երկու ձեերն ևս հաւասար թուով ձայներ են ստանում, այնպէս որ ոչ մէկը անցած չի համարում: Վիճաբանութիւնները նորից շարունակում են այդ հարցի շուրջը և երկրորդ անգամ քուէարկելով՝

15 ձայնով ընդդէմ 11-ի որոշում է խնդրել պ. նախագահին անձամբ տեսնուել պ. Ե. Լալայեանի հետ և վերջ տալ այդ չարաբաստիկ խնդրին:

Վարչութեան նախագահը ցանկալի է համարում լսել ժողովականների կարծիքներ այն մասին, թէ ինչպէս պէտք է պաշտպանել հեղինակի իրաւունքներն ու շահերը՝ համաձայն Ընկերութեան կանոնագրութեան:

Պ. Ա. Արանիասեանի առաջարկութեամբ Ընդհանուր ժողովը այս ժողովին վաղաժամ է համարում այդ հարցով գրադուելը և յանձնարարում է Վարչութեանը խորհրդակցել իրաւաբանների հետ և հետեւալ Ընդհանուր ժողովին մանրամասն զեկուցում ներկայացնել այդ հարցի մասին:

Վերջում զեկուցում է, որ Վարչութեան անդամներից 3 հոգի՝ պ. պ.

Երուանդ Լալայեանը, Տիգրան Յովհաննիսեանը և բժ. Ար. Զարգարեանը այլ և այլ պատճառներով հրաժարուել են Վարչութեան անդամութիւնից, որոնց փոխարէն անհրաժեշտ էր համարում նոր անդամներ ընտրել, մանաւանդ որ հրաժարուղների մէջ է նաև Ընկերութեան գանձապահը, որի վրայ Ընդհանուր ժողովն է գանձապահի պարտականութիւնը դնում:

Պ. Արք. Յարութիւննեանը առաջարկում է Վարչութեան անդամների լրացուցիչ ընտրութիւնները ետաձգել մինչև մարտ ամիս, և այն ժամանակ միանգամից ընտրել ամբողջ Վարչութիւնը:

պ. Ս. Լիսիցեանը ցանկալի է համարում Վարչութեան լրացուցիչ անդամներին ընտրել միայն երկու ամսով, որից յետոյ Ընդհանուր ժողովը գումարել և ամբողջ Վարչութիւն ընտրել:

պ. Արք. Արեգեանը կանոնագրութեան տեսակէտից անընդունելի է համարում պ. Լիսիցեանի առաջարկը, որովհետև այդ կանոնագրութեան XXIV յօդուածի համաձայն Վարչութեան անդամներն ընտրում են 2 տարով:

պ. Ա. Արանիասեանը կարծում է, որ կանոնագրութեան XXIV յօդուածը չի կարելի ներկայ գէպքում կիրառել, որովհետև ներկայումս ոչ թէ ամբողջ Վարչութիւնն է ընտրութեան ամսով, այլ նրա միայն մի քանի անդամները, որոնք պէտք է պաշտօնավարեն այնքան ժամանակ, որքան պէտք է պաշտօնավարէին այն անդամները, որոնց փոխարինում են նրանք:

Նիկ. Աղբայեանը շփոթութիւնից խուսափելու համար առաջարկում է ընտրութիւննը ետաձգել մինչև մարտ:

պ. Յովին. Թումաննեանը անհրաժեշտ է համարում այժմ իսկ կատարել լրացուցիչ անդամների ընտրութիւնը, որովհետև աշխատող ձեռքեր խիստ պակասում են Վարչութեան մէջ:

Չայների մեծամասնութեամբ որոշում է հէնց այժմ ընտրել Վարչութեան լրացուցիչ անդամներին մինչև առաջիկայ տարեկան ընդհանուր ժողովը, երբ կընտրուի ամբողջ Վարչութիւնը:

Ընկերութեան գանձապահի պարտականութիւնը դրւում է պ. Յակոբ Ալիսաննեանի վրայ, որը իրեւ փոխանդամ փոխարինել էր Վարչութեան հրաժարուած անդամներից մէկին: Այնպէս որ անհրաժեշտ էր միայն 2 անդամ ընտրել Վարչութեան համար:

Եղած թեկնածուներից գաղտնի քուէարկութեամբ Վարչութեան անդամներ են ընտրութեան ժողովութիւնը:

1. պ. Նիկողայոս Աղբայեան 22 ձայնով ընդդէմ 1-ի և

2. պ. Մինաս Բերբերեան 21 ձայնով ընդդէմ 2-ի:

իսկ Վարչութեան փոխանդամներ ընտրուեցին.

1. պ. Արշակ Ղազարեան 17 ձայնով ընդդէմ 6-ի

2. պ. Գասպար Իփէկեան 16 » » 8-ի

3. պ. Ռուբէն Խանազարեան 15 » » 8-ի:

Ժողովը, շնորհակալութիւն յայտնելով Ընդհանուր ժողովի նախագահին, ցըրւում է ժամը 3-ին:

Նախագահ՝ Մինաս Բերբերեան

Քարտուղար՝ Գար. Գարդիսեան

X

Կովկասեան Հայ Գրողների Ընկերութեան 1913 թ. դեկտեմբերի 15
արտակարգ Ընդհանուր Ժողովի:

Ընկերութեան Նախագահ Յով. Թումանեան բանալով Ժողովը առաջարկում է ընտրել Ժողովի Նախագահ. ձայների մեծամասնութեամբ Ժողովի Նախագահ է ընտրում Գրիգոր Վարդանեանը, Քարտուղար Վարդգէս Ահարոնեան:

Նախագահը ըստ սովորութեան առաջարկում է նախ գիմել, նոր անդամների ընտրութեան. գաղտնի քուէարկութեամբ ընտրում են նոր անդամներ.

Վահան Տէրեան	15 սպիտակ	1 սև
Մարկոս Վարդանեան (Ռէն)	13	» 2 »
Բարսեղ Շահպաղ	15	» 1 »
Յակ. Մելիք Բախտամեան	10	» 5 »
Օր. Ն. Աղանեան	15	» 0 »
Գարեգին Խարազեան	10	» 5 »

Այսուհետեւ Ժողովի Նախագահը առաջարկում է գիմել Ընկերութեան Գանձապահի ընտրութեան:

Յով. Թումանեան յայտնում է որ անցեալ Ժողովում գանձապահ է ընտրուած եղել պ. Ա. Ալիխանեանը, բայց այժմ՝ անսակնկալ կերպով մի նոր պաշտօն է ստացել և ստիպուած է եղել հրաժարուել, ուստի պէտք է կամ մի նոր գանձապահ ընտրել կամ Ընկերութեան Վարչութեան անդամներից մէկի վրայ դնել գանձապահի պաշտօնը:

Լիոն յիշում է որ անցեալ Ժողովում որոշուած է եղել որ ամեն մի հեռացող Վարչութեան անդամի տեղը բռնում է փոխ անդամը. բացատրում է նաև որ, Վարչութեանը իր անդամներից մէկի վրայ կարող է դնել գանձապահի պաշտօնը:

Յով. Թումանեանը թուելով Վարչութեան բոլոր անդամների անունները գտնում է որ նրանցից ոչ մէկը հնարաւորութեան չունի այդ պաշտօնը ստանձնել:

Ա. Արանասեանը և միւսները առաջարկում են գանձապահի պաշտօնը դնել Ա. Ղազարեանի կամ հ. Գիւտ ա. ք. վրայ—երկուսն էլ հրաժարուում են, առաջինը զբաղուած լինելով, իսկ երկորուը իրք ընկերութեան քարտուղար անկարելի է գտնում նոր պաշտօն էլ ստանձնել:

Լիոն առաջարկում է ընտրել մի նոր փոխանդամ և նրա վրայ դնել այդ պաշտօնը: Գիւտ քահ. Աղանեանը գտնում է որ դա դէմ է Ընկեր. կանոնադրութեան 22-րդ կէտին:

Յ. Թումանեան յիշեցնում է որ Բարեգործական ընկեր. կանոնադրութեան մէջ կայ մի համապատասխան կէտ և առաջարկում է ընտրել մի նոր փոխանդամ՝ որի վրայ դնել գանձապահութեանը «մինչև առաջիկայ ընդհա-

նուր Ժողովը». Իփէկեանը նոյն միտքն է պաշտպանում: Հայր Գիւտը պընդում է որ դա դէմ է կանոնադրութեան և խնդրում է մտցնել արձանագրութեան մէջ:

Ժող. Նախագահը քուէի է դնում—ով է համաձայն ընտրել մի նոր անդամ Վարչութեան—առաջարկը անցնում է 15 ձայնով ընդէմ 1-ի:

Գ. Իփէկեանը յայտարարում է որ Ժողովը կվօրում չ'ունի, որովհետեւ Ժողովը բանալուց յետոյ շատերը հեռացել են, ուստի և ընտրութիւն կատարել չի կարելի:

Լիոն առաջարկում է որ Ժողովը բանալիս կվօրում կար, ուստի Ժողովը օրինաւոր է: Նախագահը քուէի է դնում—ով է համաձայն Իփէկեանի կարծիքի հետ որ Ժողովը բանալուց յետոյ կվօրումը պակսել է ուստի Ժողովը ապօրինի է. Ժողովը 11 ձայնով ընդէմ 4-ի չի համաձայնում Իփէկեանի հետ:

Նախագահը առաջարկում է դնել Վարչութեան նոր անդամի համար թեկնածուներ. առաջարկում է Արովեանի, Ա. Ղազարեանի, հ. Ճուղուրեանի և մ. Ահարոնեանի թեկնածութիւնը—Արովեանից բացի բոլոր միւսները հրաժարուում են: Արովեանը ընտրում է գաղտնի քուէարկութեամբ՝ 13 սպիտակով ընդէմ 5 ձեռնպահ միացողների, Վարչութեան անդամ և գանձապահի պաշտօնը ժողովը դնում է նրա վրայ:

Այսուհետեւ Յով. Թումանեանը քննութեան է դնում Ընկերութեան գրական երեկոների արձանագրութիւնների խնդիրը և բացատրում է որ մամուլը չի կարողանում ճշտութեամբ արձանագրել Ընկերութեան երեկոյթներում տեղի ունեցած անց ու դարձը. ցանկալի է գտնում որ դասախոսութիւնները և վիճաբանութիւնները տպագրուին, գուցէ դրա համար Վարչութիւնը հնար գանի ունենալ մի քարտուղար որ գրի առնի երեկոյթներում տեղի ունեցածը ճշտութեամբ:

Քուէարկում է Վարչութեան առաջարկը՝ ունենալ քարտուղար երեկոյթները գրի առնելու համար՝ որ անցնում է միաձայն:

Պ. Վրոյը առաջարկում է քարտուղարի փոխարէն հրաւիրել մի սղագրի: Եեմիրձեանը նոյն կարծիքին է, գտնելով որ 3—4 ըուբլով չի կարելի գտնել բաւականաչափ զարգացած մի քարտուղար որ կարողանայ ճիշտ կերպով արձանագրել երեկոյթները, մինչդեռ այդ վարձատրութեամբ կամ մի քիչ աւելի կարելի է սղագրի վարձել որ մեքենայի ճշտութեամբ իր գործը կը կատարի:

Զնելեան և Վարդապարեանը դէմ են այդ առաջարկներին որ կարող է ահագին ծախս պահանջել Ընկերութեան կասսայից:

Ա. Արանասեանը գտնում է որ չարժէ այդքան մեծ արժէք տալ Ընկերույթներում ասած և խօսաներին և զրա համար յատուկ սղագրի պահել: Ամեն մի դասախոս պարտաւոր է գրի առնել իր ասածները և տալ տպագրութեան:

Յ. Թումանեանը առաջարկում է որ Աթանասեանի առաջարկը կամ առաջարկը Վարչութիւնը բայց չի անցել:

Նախագահը գտնում է որ Վարչութիւնը այս հարցը աւելի ուսումնասիրած բերէր Ընդհանուր ժողովին, և առաջարկում է յանձնարարել Վարչութեանը 3—5 րուրու սահմաններում վարձատրութեամբ սղազիր հրաւիրել:

Արանասեան եւ Վարդապարեանը առաջարկում են պարտաւորեցնել ամեն մի դասախոսի գրի առնել իր դասախոսութիւնը և յանձնել Վարչութեանը, հակառակ դէպքում հօնօրար չը վճարել դասախոսին:

Հ. Գիւտ Աղանեանը եւ Լէօն առարկում են դրա դէմ, որ ոչ ոք չի համաձայնի իր օրերի երբեմն շաբաթների աշխատանքի արդիւնքը 10 րուրով ծախել Վարչութեանը:

Բացի գրանից Դեմիրնեանը գտնում է որ դասախոսը շատ յաճախ շեղում է իր ծրագրից, ուստի անկարելի է պահանջել նրանից որ նա իր ասածների ճշգրիտ պատկերը գրի առնի և տայ. պէտք է քարտուղար կամ սղազիր ունենալ:

Մամուլի մէջ դասախոսութիւնների ճշգրիտ պատկերը ներկայացնելու անհրաժեշտութիւնն են պաշտպանում նաև Յով. Թումանեան և Ա. Ղաղազարեան, որից յետոյ նախագահը ի նկատի առնելով որ ոչ ոք չի վիճում սղազիր կամ քարտուղար ունենալու դէմ, առաջարկում է տալ Ընկերութեան Վարչութեանը լիազօրութիւն որ նա իր միջոցների սահմաններում կազմակերպի այդ բանը մինչեւ առաջիկայ բիւշետային տարին—առաջարկը ընդունում է միաձայն:

Այնուհետև նախագահը հերթի է դնում պ. Ա. Զմշկեանի առաջարկները.

1. Հանգուցեալ Ա. Արասիստարեանի և Գ. Բարխուղարեանի գերեզմանների վրայ տապանաքար կամ արձան դնել:

2. Զեռք բերել մի հողաբաժին Խօջիվանքի գերեզմանատանը հայ հասարական գործիչներին թաղելու համար:

3. Հիմնել կլուք Ընկերութեան անդամների համար:

Բժ. Մինասեանը հարց է դնում թէ ինչ կարծիք ունի ինքը Վարչութիւնը այդ առաջարկների վերաբերմամբ:

Ընկերութեան նախագահը՝ Յով. Թումանեանը բացատրում է՝ Վարչութիւնը գտել է որ գործներին և հասարակական գործիչներին թաղելու համար հող ունենալը տամնեակ հազարների խնդիր է, ուստի Վարչութիւնը չի էլ կարող այդ խնդիրը քննութեան առնել:

2. Ընկերութեան ուժերից վեր է բոլոր վաստակաւոր գործիչների գերեզմանները արձաններով զարդարել. Ընկերութիւնը արդէն ձեռնարկել է պղայեանի արձանի գործը և աւելին չի կարող անել:

3. Ինչ վերաբերում է յատկապէս Ընկերութեան անդամների համար երեկոյթներ կազմակերպելուն, Վարչութեան մէջ արդէն այդպիսի մի առաջարկ եղել է:

Հ. Ճուղօրեանը գտնում է անյարմար որ Ընկերութիւնը գրողի գերեզմանի վրայ արձան կանգնեցնի—այդ պիտի ժողովուրդն անի:

Արանասեանը գտնում է որ Բարխուղարեանը յարգելի գրող լինելով

հանդերձ անմիջական կապ չունի Ընկերութեան հետ, մինչդեռ Արասիստանը Ընկերը. հիմնադիրներից մէկն է և առաջարկում է դիմել Արասիստանի հարուստ ազգականներին, որ նրանք մի բան անեն: Ինչ վերաբերում է երեկոյթներին ասաջարկում է Ընկերութեան երեկոյթներից մէկը նուիրել Ընկերութեան անդամների ինտիմ հաւաքոյթներին, իսկ միւսը թողնել սովորական դասախոսութիւնների համար:

Լէօն գտնում է անյարմար թաղումների և տապանաքարերի հետ կապւած մի հարց բերել և գնել Ընկ. առաջ. խնդիրը մի 20 ոռւրիանոց քար է որ պիտի գնել Արասիստանեանի գերեզմանի վրայ: 60 — 70 հազար ոռւրի թաղելու համար ծախսելու փոխարէն աւելի լաւ է ծախսել գրողներին ապրեցնելու համար: Անհնար է գտնում հիմնել այն կլուքը, որի մասին խոսւում է այստեղ, որովհետեւ գա ահազին ծախքեր կը պահանջի:

Իծ. Մինասեանը գտնում է, որ պիտի աւելի լուրջ դասախոսութիւններ կազմակերպել. պիտի աշխատել որ դասախոսները աւելի լրջօրէն ուսումնասիրեն իրենց նիւթերը:

Պ. Խիկկեանը նոյն միտքն է պաշտպանում և աւելացնում է որ աշակերտութիւնն ըատ տեղ է գրաւում Ընկերութեան երեկոյթներին, իսկ այդ հանդամանքը խանդարում է ազատ արտայատուելու:

Ա. Ղաղաբեանը առարկում է դրա դէմ. Ընկերութեան երեկոյթները լաւ սկսուած են և բնական ճանապարհով կը ընթանան. ցանկալի է աշակերտութեան թիւը սահմանափակել բարձր դասարաններով:

Նախագահը մի ճշտում է մտցնում կլուքի շուրջը տեղի ունեցող վիճակութիւնների մէջ. Նպատակայարմար է, որ ժողովրդի համար կազմակերպուղ երեկոյթներից բացի կազմակերպուեն աւելի ինտիմ հաւաքոյթներ Ընկերութեան անդամների համար: Ինչ վերաբերում է մահարձաններին, նրանք իրենց որոշ կրթիչ գերը ունին:

Բժ. Աղասարեանը անյարմար է գտնում երեկոյթների ընդունուած ձեր փոխել, պէտք է միայն նրանց աւելի հետաքրքրական զարձնել: Գալով Արասիստանեանի արձաննին առաջարկում է մի երեկոյթ նուիրել Արասիստանեանի անդամներին, որոնք երեկի չեն մերժի մի բան անել:

Օր. Ա. Տիգրանեան գտնում է որ աշակերտների թիւը սահմանափակելու փոխարէն աւելի լաւ կը լինէր որ դասախոսները և վիճողներն աւելի զուսպ լինէին իրենց արտայայտութիւնների մէջ, դա պէտք է ոչ միայն աշակերտների այլ և մեծերի համար:

Յով. Թումանեան—անյարմար է գտնում, որ Ընկերութիւնը իր վրայ վերցնի Արասիստանեանի մահարձանի գործը, որովհետեւ Արասիստանեանի թէ թաղման, թէ ժառանգութեան ուրիշն և մահարձանի խնդիրը վերցրել է իր վրայ Արասիստանեանի ազգականը, որին յիշեցնել այդ մասին անյարմար է: Երեկոյթ Արասիստանեանի անդամնը կը կազմակերպենք եթէ դասախոս գրտնուի: Գալով Ընկերութեան անդամների համար երեկոյթներին գտնում է մի շարք անյարմարութիւններ, որոնք խանդարում են այդ անել եթէ ժո-

ղովը որոշի առանձին դահլիճ վարձել այդ նպատակի համար մենք ուրախութեամբ կը կազմակերպենք երեկոներ: Ինչ վերաբերում է Ընկերութեան երեկոյթներում վիճաբանութեան ձեին, գանում է ո՞ր ՞ ըսպէով խօսողների ժամանակը սահմանափակելը չի խանգարում արտայայտուելու, եթէ խօսողը ասելիք ունի, նրան միշտ աւելի ժամանակ է տրուում: Զի կարելի ընդհակառակը սահմանափակել խօսողների թիւը որոշ օպազնենատներով, որովհետեւ այդ դէպքում հասարակութիւնը դժոն կը լինի թէ նրան արտայայտուելու, վէճին մասնակցելու հնարաւորութիւն չեն տալիս: Աշակերտութեան համար չի կարելի փակել Ընկերութեան դոները, աշակերտութեան ներկայութիւնը կը զսպի խօսողներին և կը ստիպի աւելի կիրթ լինել:

Արանասեան—նոյնալէս անհրաժեշտ է գանում հիմնել մի կլուք Ընկերութեան անդամների համար, դրա համար առաջարկում է ձեռքի տակ եղած ներքին յարկի երկու սենեակներում սարքել այդ երեկոյթները: Ոչ անդամների համար երեկոյթներում սահմանափակել աշակերտների թիւը:

Նախագահը քուէի է դոնում Ընկերութեան անդամների համար երեկոյթները ունենալու առաջարկը:

Ընկերութեան երեկոյթները հինգշաբթի օրերը պահել անխախտ, իսկ երկու շաբաթը մի անգամ կազմակերպել մի երեկոյթ Ընկերութեան անդամների համար. այս առաջարկը անցնում է միաձայն:

Բացի դրանից առաջիկայ տօներին մի տօնածառ կազմակերպել Ընկերութեան անդամների ընտանիքների համար.—անցնում է միաձայն:

Ժողովը փակւում է ժամը 11-ին:

Քարտուղար՝ Վ. Ահարոնեան:



ՀՀ Ազգային գրադարան



NL 0122120

